

閔公
僖公

春秋

卷



春秋卷第四

左氏傳

閔公

元年春王正月

元年春不書即位
亂故也
國亂不
得成禮

齊

人救邢

狄人伐邢管敬仲言於齊侯曰戎
狄豺狼不可厭也
敬仲管
夷吾
諸夏親



暱不可棄也宴安酖毒不可懷也

比以

宴安詩云

豈不懷歸畏此簡書簡書同惡相恤之謂也

同恤

所惡請救邢以從

簡書齊人救邢

夏六月辛酉葬我君

莊公

夏六月葬莊公

秋八月公及齊

亂故是以緩

侯盟于落姑季子來歸

落公穀作洛○落姑地齊秋八月

公及齊侯盟于落姑請復季友也齊侯許之使
召諸陳公次于郎以待之季子來歸嘉之也

季子

公子友忠於社稷故賢而字之

冬齊仲孫來

冬齊仲孫湫來省難齊湫仲孫名書曰

仲孫亦嘉之也

使齊寧魯故嘉而字之

仲孫歸曰不去慶

父魯難未已

時慶父已還魯

公曰若之何而去之對曰

難不已將自斃君其待之公曰魯可取乎對曰

不可猶秉周禮周禮所以本也臣聞之國將亡

本必先顛而後枝葉從之魯不棄周禮未可動

也君其務寧魯難而親之親有禮因重固

重固則當

就成

間携貳覆昏

○晉侯作二軍

晉本一軍見莊十六

亂霸王之器也

年公將上軍大子申生

將下軍趙夙御戎畢萬為右

為公御右夙趙衰兄畢萬魏犇祖父

以滅耿滅霍滅魏

三國皆姬姓

還為大子城曲沃賜

趙夙耿賜畢萬魏以為大夫士蔿曰大子不得

立矣分之都城而位以卿先為之極又焉得立

位以卿謂將下軍

不如逃之無使罪至為吳大伯不亦

可乎

大伯周大王適子讓位適吳

猶有令名與其及也

勝於留而

及禍且諺曰心苟無瑕何恤乎無家天若祚大子

其無晉乎卜偃曰畢萬之後必大

卜偃晉掌大夫

萬

盈數也魏大名也以是始賞天啓之矣天子曰

兆民諸侯曰萬民今名之大以從盈數其必有

衆初畢萬筮仕於晉遇屯

坤上下 辛廖占之曰吉 辛廖晉 屯固比入吉孰大

焉其必蕃昌 屯險難所以為固 震為土 震變 車 比親密所以得入

從馬 震為車 足居之兄長之 震為足 毋覆之衆

歸之 坤為母 六體不易合而能固安而能殺公

侯之卦也 比合屯固 公侯之子孫必復其始 萬

公侯之後

二年春王正月齊人遷陽

陽國名 移其國 為附庸也

二年春虢公敗犬戎于渭汭犬戎西戎別在中國者渭水舟之僑曰無德而祿殃也殃將至矣遂

奔晉

之舟

僑號大夫

夏五月乙酉吉禘于莊公

夏吉禘于莊公速

也魯禘僭也且喪制未畢故譏之

秋八月辛丑公薨

實弒書薨又初公傳奪卜齋田公不禁卜齋音蟻不地者諱之

夫秋八月辛丑共仲使卜齋賊公子武闡小門

日闡

九月夫人姜氏孫于邾

哀姜外孫故孫氏稱姜閔

公哀姜之姊叔姜之子也故齊人立之共仲通
於哀姜哀姜欲立之閔公之死也哀姜與知之
故孫于邾齊人取而殺之于夷以其尸歸
僖公請而葬之夷魯地僖公閔公庶兄為
僖元年齊人殺哀姜傳公

子慶父出奔莒

成季以僖公適邾共仲
奔莒乃入立之以賂求

共仲于莒莒人歸之及密使公子魚請

密魯地
公子魚

奚斯使
請免死

不許哭而往共仲曰奚斯之聲也乃縊

成季之將生也桓公使卜楚丘之父卜之

卜楚
丘魯

掌卜
大夫

曰男也其名曰友在公之右

在右言
用事

間于

兩社為公室輔

周社亳政所在

季氏亡則魯不昌

又筮之遇大有

乾離上下

之乾

曰同復于

父敬如君所

筮辭也

乾為君父

離變為乾

及生

故曰同復于父見敬與君同

有文在其手曰友遂以命之成風聞成季之繇

乃事之

繇音曹

占辭成風

莊公妾僖公毋

而屬僖公焉故成季立之

冬齊高子來

盟

齊侯使高傒平魯亂貴

之稱子

十有二月狄入衛

冬

二月狄人伐衛懿公好鶴鶴有乘軒者

夫軒大車

將戰國人受甲者皆曰使鶴鶴實有祿位余焉

能戰公與石祁子玦與甯莊子矢使守曰以此

贊國擇利而為之

莊子甯速玦示當決矢示禦難

與夫人繡衣

曰聽於二子

取其文章順序

渠孔御戎子伯為右黃夷

前驅孔嬰齊殿及狄人戰于熒澤衛師敗績遂

滅衛

熒澤河北

衛侯不去其旗是以甚敗狄人囚

史華龍滑與禮孔以逐衛人二人曰我大史也

實掌其祭不先國不可得也

言當先白神

乃先定至

則告守曰不可待也

言不可坐而待滅也

夜與國人出狄

入衛遂從之又敗諸河初惠公之即位也少齊

人使昭伯烝於宣姜不可強之

昭伯公子頑惠公庶兄

生

齊子戴公文公宋桓夫人許穆夫人文公為衛

之多患也先適齊及敗宋桓公逆諸河宵濟

迎衛

敗衆夜渡畏狄

衛之遺民男女七百有三十人益之以

共滕之民為五千人

共及滕衛別邑

立戴公以廬于曹

廬舍也曹衛下邑戴公許穆夫人賦載馳

名申其年卒而立文公

載馳詩篇

齊侯使公子無虧帥車三百乘甲士三千人

以成曹

無虧齊桓公子

歸公乘馬祭服五稱牛羊豕雞

狗皆三百與門材

歸遺也四馬曰乘衣單復具曰稱門材使先立門戶歸

夫人魚軒

夫人車以魚皮為飾

重錦三十兩

重錦細錦

僖

之元年齊桓公遷邢于夷儀二年封衛于楚丘

邢遷如歸衛國忘亡衛文公大布之衣大帛之

冠大布麤布務材訓農通商惠工敬教勸學授

方任能方百事之宜也元年革車鄭伯

三十乘季年乃三百乘鄭棄其師其惡

卿而蕪棄其衆鄭人惡高克高克鄭大夫使帥師次

于河上久而弗召師潰而歸高克奔陳鄭人為

之賦清人○晉侯使大子申生伐東山臯落

清人詩篇名氏赤狄別種里克諫曰大子奉

冢祀社稷之粢盛里克晉大夫冢大也以朝夕視君膳者

也故曰冢子君行則守有守則從從曰撫軍守

曰監國古之制也失帥師專行謀誓軍旅君與

國政之所圖也非天子之事也國政正卿師在制命

而已稟命則不威專命則不孝故君之嗣適不

可以帥師君失其官帥師不威將焉用之統大子師

是失其官且臣聞臯落氏將戰君其舍之捨申生勿使往公

曰寡人有子未知其誰立焉不對而退見大子

大子曰吾其廢乎對曰告之以臨民謂居曲沃教之

以軍旅謂將下軍不共是懼何故廢乎且子懼不孝

無懼弗得立脩己而不責人則免於難大子帥

師將上軍公衣之偏衣左右異色其半似公服佩之金玦狐

突御戎先友為右

孤突伯行重耳外祖父也

梁餘子養御罕

夷先丹木為右

罕夷晉下軍卿梁餘子養為罕夷御

羊舌大夫為

尉

羊舌大夫叔向祖父也尉軍尉

先友曰衣身之偏握兵之要

在此行也子其勉之偏躬無慝

分身衣之半非惡意也

兵

要遠灾

威權在已可以遠害

親以無災又何患焉孤突嘆

曰時事之徵也衣身之章也佩褱之旗也

旗表也所

以表明其中心

故敬其事則命以始

賞以春夏

服其身則衣

之純

色必以純色為服

用其褱則佩之度

佩王君子常度

今命以

時率閱其事也

冬十二月閏盡之時

衣之尤服遠其躬也

危難色

佩以金玦棄其褱也服以遠之時以閱之

危涼冬殺金寒玦離胡可恃也

玦如環而缺

雖欲勉

之狄可盡乎梁餘子養曰帥師者受命於廟受

服於社

服宜社之肉

有常服矣不獲而危命可知也

韋弁服軍之常也

死而不孝不如逃之罕夷曰危奇無

常

奇怪非常

金玦不復雖復何為君有心矣

有害大子之心

先丹木曰是服也狂夫阻之

阻疑也言狂夫猶疑

曰盡敵

而反

曰公辭

敵可盡乎雖盡敵猶有內讒不如違

之

違去也

孤突欲行羊舌大夫曰不可違命不孝

棄事不忠雖知其寒惡不可取子其死之

言君心寒

薄

太子將戰孤突諫曰不可昔辛伯諗周桓公

諭音審
告也

云內寵並后外寵二政嬖子配適大都
耦國亂之本也周公弗從故及於難今亂本成
矣立可必乎孝而安民子其圖
之與其危身以速罪也

言有功
益見害

春秋卷第四

三
二
一
四
五
六
七
八
九
十
十一
十二
十三
十四
十五
十六
十七
十八
十九
二十
二十一
二十二
二十三
二十四
二十五
二十六
二十七
二十八
二十九
三十
三十一
三十二
三十三
三十四
三十五
三十六
三十七
三十八
三十九
四十
四十一
四十二
四十三
四十四
四十五
四十六
四十七
四十八
四十九
五十
五十一
五十二
五十三
五十四
五十五
五十六
五十七
五十八
五十九
六十
六十一
六十二
六十三
六十四
六十五
六十六
六十七
六十八
六十九
七十
七十一
七十二
七十三
七十四
七十五
七十六
七十七
七十八
七十九
八十
八十一
八十二
八十三
八十四
八十五
八十六
八十七
八十八
八十九
九十
九十一
九十二
九十三
九十四
九十五
九十六
九十七
九十八
九十九
一百

春秋卷第五

左氏傳

僖公

上

元年春王正月

元年春不稱即位公出故也公出復入不書諱

之也諱國

惡禮也

齊師宋師曹師次于聶

北救邢夏六月邢遷于夷儀齊

師宋師曹師城邢

夷公作陳後同○
聶北夷儀皆邢地
諸侯救邢實大夫
而日諸

侯摠衆
國之辭邢人潰出奔師奔聶北師遂逐狄人具

邢器用而遷之師無私焉夏邢遷于夷儀諸侯

城之救患也凡侯伯救患

分灾討罪禮也有灾者
分穀帛

秋七月戊辰

夫人姜氏薨于夷齊人以歸

不
言
齊
人

殺諱之也

楚人伐鄭

荆始改楚鄭鄭即齊故也

八月

公會齊侯宋公鄭伯曹伯邾人

于榿

○榿公作榿宋地盟于榿

九月公敗邾

師于偃

○偃公作偃邾地九月公敗邾師于偃

公棄信也

冬十月壬午公子友帥師敗

莒師于鄆獲莒挈

鄆公作犁穀作冬
○鄆魯地

莒人來求賂
求還父

之公子友敗諸鄆獲莒子之弟挈非卿也嘉

獲之也公賜季友汶陽之田及費
汶水名費邑名

十有二月丁巳夫人氏之喪至

自齊

不稱姜貶其與弒也夫人氏之喪至自齊君子以

者也李廡曰齊殺哀姜

氏獨謂已甚是不察於春秋之公義矣

二年春王正月城楚丘

楚丘二年
衛邑

楚丘而封衛焉不

書所會後也

魯後至

夏五月辛巳葬我

小君哀姜○虞師晉師滅下陽

下公穀作夏○下
陽號邑晉始見經晉荀息請以屈產之乘與垂

棘之璧假道於虞以伐虢荀息荀叔也屈地生
良馬垂棘出義王

公曰是吾寶也對曰若得道於虞猶外府也公

曰宮之奇存焉宮之奇
虞臣對曰宮之奇之為人也

懦而不能強諫且少長於君

自少長於公官

君暱之雖

諫將不聽乃使荀息假道於虞曰冀為不道入

自顛軫伐鄭三門

鄭音冥冀國名鄭虞邑顛軫地名冀嘗伐虞至鄭

冀

之既病則亦唯君故

言虞能伐冀使病稱虞彊以說其心

今號為

不道保於逆旅

逆旅客舍

以侵敝邑之南鄙敢請假

道以請罪于號虞公許之且請先伐號宮之奇

諫不聽遂起師夏晉里克荀息帥師會虞師伐

號滅下陽先書虞賄故也

惡貪賄也

號公敗戎于桑

田

桑田號地

晉卜偃曰號必亡矣亡下陽不懼而又

有功是天奪之鑒

鑒所以自照

而益其疾也必易晉

而不撫其民矣不可以

五稔稔熟也為下五
年晉滅虢張本

秋九月齊侯宋

公江人黃人盟于貫

貫公作貫澤
○貫宋地秋
盟于貫服江黃

也江黃

齊寺人貂始漏師于多魚

寺人
內奄

楚與
國也

官豎貂也多魚地名貂始貴
寵漏洩軍事為齊亂張本

冬

十月不雨

○楚人侵鄭

冬楚人伐
鄭闚章囚

鄭聃

伯

三年春王正月不雨夏四月不

雨

一時不雨則書首月

徐人取舒

舒國名

六月雨

三年

春不雨夏六月雨自十月不雨

至于五月不曰旱不為災也

秋齊侯宋

公江人黃人會于陽穀

陽穀齊地秋會于陽穀謀

伐楚

也

冬公子友如齊涖盟

友穀作季友涖公穀作後同

齊侯為陽穀之會來尋盟冬公

子友如齊涖盟

公不會陽穀故來尋盟

楚人伐鄭

楚人伐鄭鄭伯欲成孔叔不可

曰齊方勤我

孔叔鄭大夫

棄德不祥

四年春王正月公會齊侯宋公

陳侯衛侯鄭伯許男曹伯侵蔡

蔡潰遂伐楚次于陘

陘楚地

齊侯與蔡姬乘舟于囿蕩

公

蔡姬齊侯夫人蕩也蓋池在囿中

公懼變色禁之不可公怒

歸之未之絕也蔡人嫁之四年春齊侯以諸侯

之師侵蔡蔡潰遂伐楚楚子使與師言曰君處

北海寡人處南海唯是風馬牛不相及也

北壯相誘

曰風喻齊楚

遠不相干

不虞君之涉吾地也何故管仲對

曰昔召康公命我先君大公召康公名奭也曰五侯

九伯女實征之以夾輔周室五等諸侯九州之伯賜我先

君履東至于海西至于河南至于穆陵北至于

無棣

穆陵無棣皆齊竟也履所踐履之界

爾貢包茅不入王祭不

共無以縮酒寡人是徵包裹束茅灌酒為縮酒也昭

王南征而不復寡人是問

昭王成王孫南巡對

曰貢之不入寡君之罪也敢不共給昭王之不

復君其問諸水濱

昭王時漢

非楚竟故師進次于陘

夏許男新臣率

即許叔也

楚屈完來盟于師盟于召陵

完楚大夫名夏楚子使屈完如師師退次于召陵

完請盟故齊侯陳諸侯之師與屈完乘而觀之

齊侯曰豈不穀是為先君之好是繼與不穀同

好如何對曰君惠徼福於敝邑之社稷辱收寡

君寡君之願也齊侯曰以此衆戰誰能禦之以
此攻城何城不克對曰君若以德綏諸侯誰敢
不服君若以力楚國方城以為城漢水以
為池方城山名雖衆無所用之屈完及諸侯盟齊

人執陳轅濤塗

轅公穀作袁。陳轅濤塗謂鄭申侯曰師出於

陳鄭之間國必甚病

申侯鄭大夫

若出於東方觀兵

於東夷循海而歸其可也

東夷鄭莒徐夷

申侯曰善濤

塗以告齊侯許之申侯見曰師老矣若出於東
方而遇敵懼不可用也若出於陳鄭之間共其

資糧扉屨其可也

扉草履

齊侯說

與之虎牢

還以鄭邑賜之

執轅濤塗

秋及江人

黃人伐陳

書及微者

秋伐陳討

八月公至

自伐楚

○葬許穆公

穆公作繆許穆公卒于師葬之以侯

禮也凡諸侯薨于朝會加一等

公上等侯伯中等子

男下等

死王事加二等於是而有以袞歛

袞衣冬

十有二月公孫茲帥師會齊人

宋人衛人鄭人許人曹人侵陳

茲公作慈後同○公孫茲叔牙子霸
國大夫會諸侯大夫侵與國自此始冬叔孫

戴伯帥師會諸侯之師侵陳陳成歸轅濤塗

五年春

五年春王正月辛亥朔日南至
至月夏十一月冬公既視朔遂登觀

臺以望而書禮也

視朔親告朔也觀臺凡分至
臺上構屋可以遠觀

啓閉必書雲物

分春秋分至冬夏至立
夏閉立秋立冬雲物氣色災變

為備故也

素察妖祥
逆為之備

晉侯殺其世子申生

初

獻公欲以驪姬為夫人卜之不吉筮之吉公曰

從筮卜人曰筮短龜長不如從長龜象筮數故

且其繇曰專之渝攘公之瑜渝變也言專寵除也瑜

變除公所美也一薰一蕕十年尚猶有臭薰香草草

言善易消惡難除必不可弗聽立之生奚齊其娣生卓

子及將立奚齊既與中大夫成謀中大夫里克也姬謂

大子曰君夢齊姜必速祭之齊姜大大子祭于

曲沃歸胙于公胙祭之酒肉公田姬寘諸宮六日公

至毒而獻之公祭之地地墳墳地為起與犬犬斃與

小臣小臣亦斃姬泣曰賊由大子大子奔新城

新城曲沃

公殺其傅杜原款或謂大子子辭君必辯

焉

以六日之狀自理

大子曰君非姬氏居不安食不飽

我辭姬必有罪君老矣吾又不樂曰子其行乎

大子曰君實不察其罪彼此名也以出人誰納

我十二月戊申縊于新城

即前年十二月書春從告姬遂譖

二公子曰皆知之重耳奔蒲夷吾奔屈晉侯使

以殺大子申生之故來告初晉侯使士蒍為二

公子築蒲與屈不慎寘薪焉

寘薪於土雜而築之夷吾訴

之公使讓之士蒍稽首而對曰臣聞之無喪而

感憂必讎焉

讎猶對也

無戎而城讎必保焉寇讎之

保又何慎焉守官廢命不敬固讎之保不忠失

忠與敬何以事君詩云懷德惟寧宗子惟城君

其修德而固宗子何城如之三年將尋師焉焉

用慎驪尋用也蓋當時退而賦曰狐裘老肯一國

三公吾誰適從士為自作詩也老聃亂及難公

使寺人披伐蒲重耳曰君父之命不校乃徇曰

校者吾讎也踰垣而走披

斬其袪遂出奔翟袪袪也袪袪

杞伯姬來朝

其子伯姬來寧成風也子幼弱不成

夏公孫茲如牟

朝禮故繫於母而曰朝其子

夏公孫茲如

年娶焉因聘而娶

公及齊侯宋公陳侯

衛侯鄭伯許男曹伯會王世子

于首止

止公穀作戴後同○世子不名而殊會尊之也首止衛地會于首止會王太子鄭謀寧周也惠王將廢

太子鄭而立王子帶故陳轅宣仲怨鄭申侯之

反已於召陵宣仲轅故勸之城其賜邑齊桓所

曰美城之大名也美設樓櫓子孫不忘吾助子

請乃為之請於諸侯而城之美遂譖諸鄭伯曰

姜城其賜邑將以叛也申

侯由是得罪為七年鄭殺申侯傳

秋八月諸侯

盟于首止鄭伯逃歸不盟

間無異事復稱諸侯王世子不

盟故也秋諸侯盟王使周公召鄭伯曰吾撫女以

從楚輔之以晉可以少安周公宰孔也王恨齊桓定天子使鄭伯叛

齊鄭伯喜於王命而懼其不朝於齊也故逃歸

不盟孔叔止之曰國君不可以輕輕則失親失

親患必至病而乞盟所喪多矣

君必悔之弗聽逃其師而歸
楚人滅弦

弦子奔黃

弦國名楚滅國之始楚鬬穀於菟滅弦弦

子奔黃於是江黃道栢方睦於

齊皆弦姻也

道栢皆國名

弦子恃

之而不事楚又不設備故亡

九月戊申

朔日有食之○冬晉人執虞公

晉侯復假道於虞以伐虢宮之奇諫曰虢虞之

表也虢亡虞必從之晉不可啓寇不可翫一之

謂甚其可再乎諺所謂輔車相依唇亡齒寒者

其虞虢之謂也

輔頰車牙車

公曰晉吾宗也豈害我

哉對曰大伯虞仲大王之昭也大伯不從是以

不嗣

虞仲支子別封西吳虞公其後

號仲號叔王季之穆也

仲號

號叔王季之子仲叔皆號君字

為文王卿士勲在王室藏於盟

府

盟府司官

將號是滅何愛於虞且虞能親於桓

莊乎其愛之也桓莊之族何罪而以為戮不唯

偏乎

桓莊之族晉獻公從祖

親以寵偏猶尚害

之況以國乎公曰吾享祀豐絜神必據我

據猶安也

對曰臣聞之鬼神非人實親惟德是依故周書

曰皇天無親惟德是輔又曰黍稷非馨明德惟

馨又曰民不易物惟德絜物

民不易物以祭而有德則享無德則

不享如是則非德民不和神不享矣神所馮依將

在德矣若晉取虞而明德以薦馨香神其吐之

乎弗聽許晉使宮之奇以其族行曰虞不臘矣

在此行也晉不更舉矣八月甲午晉侯圍上陽

上陽號國都問於卜偃曰吾其濟乎對曰克之公曰

何時對曰童謠云丙之辰龍尾伏辰也龍尾星也日月之

會曰辰日在尾故尾星伏不見均服振振取號之旂旂音芹戎事上下同

服故曰均服振振盛貌鵲之賁賁天策焞焞火中成軍號

公其奔鵲鵲火星賁賁鳥星其九月十月之交

乎以星驗推之夏之九月丙子旦日在尾月在

策

是夜日月合朔於尾月 策 鶉火中必是時也冬

十二月丙子朔

晉滅虢虢公醜奔京師周十二月夏之

虢

十月醜 師還館于虞遂襲虞滅之執虞公及其

大夫井伯以媵秦穆姬

晉獻公女秦穆夫人 而

修虞祀且歸其職貢於王

虞受王所命之純

故書曰晉人執虞公罪虞且言易也

六年春王正月



六年春晉侯使賈華伐屈夷吾不能

守盟而行

賈華晉大夫與屈人盟其不肯已

將奔狄卻芮曰後

出同走罪也

嫌與重耳相隨 不如之梁梁近秦而幸焉

春秋

卷五

乃之梁

幸親也

夏公會齊侯宋公陳侯衛

侯曹伯伐鄭圍新城

夏諸侯伐鄭以其逃首止之盟

故也圍新密鄭所以不

時城也

鄭以非時城新密故經書新城

秋楚人圍許諸

侯遂救許冬公至自伐鄭

此夷狄圍中國之始

子圖許以救鄭諸侯救許

伐鄭諸侯

乃還冬蔡穆侯

將許僖公以見楚子於武城

武城楚地

許男面縛銜

璧大夫表經士與櫬

以璧為贊手縛故銜之

楚子問諸逢

伯

逢伯楚大夫

對曰昔武王克殷微子啓如是武王

親釋其縛受其璧而祓之

祓除凶禮

焚

其櫬禮而命之使復其所楚子從之

七年春齊人伐鄭

七年春齊人伐鄭孔叔言於鄭伯曰

諺有之曰心則不競何憚於病

競也

既不能彊

又不能弱所以斃也國危矣請下齊以救國公

曰吾知其所由來矣姑少待我

以欲

申侯說

對曰朝不及夕何以待君

夏小邾

子來朝

鄭黎來始得王命別封小邾

鄭殺其大夫申

侯

夏鄭殺申侯以說于齊且用陳轅濤塗之譖也初申侯申出也有寵於楚文王文王

將死與之璧使行曰唯我知女女專利而不厭

予取予求不女疵瑕也從我取從我求我不以女為罪釁後之

人將求多於女謂嗣君將責以禮義女必不免我死女必

速行無適小國將不女容焉既葬出奔鄭又有

寵於厲公子文聞其死也曰古人有言

曰知臣莫若君弗可改也已穀子文闕秋七

月公會齊侯宋公陳世子款鄭

世子華盟于甯母

甯穀作甯。甯母魯地。秋盟。于甯母謀鄭故也

管仲言於齊侯曰臣聞之招攜以禮懷遠以德

也。攜離。

德禮不易無人不懷齊侯修禮於諸侯諸

侯官受方物

諸侯官司各於齊受當貢天子之方物

鄭伯使太子

華聽命於會言於齊侯曰洩氏孔氏子人氏三

族實違君命

三族鄭大夫

君若去之以為成我以鄭

為內臣

以鄭事齊如封內臣

君亦無所不利焉齊侯將許

之管仲曰君以禮與信屬諸侯而以姦終之無
乃不可乎子父不奸之謂禮守命共時之謂信

守君命
共時事

違此二者姦莫大焉公曰諸侯有討於

鄭未捷今苟有釁從之不亦可乎對曰君若綏
之以德加之以訓辭而帥諸侯以討鄭鄭將覆
亡之不暇豈敢不懼若揔其罪人以臨之鄭有
辭矣何懼且夫合諸侯以崇德也會而列姦何
以示後嗣夫諸侯之會其德刑禮義無國不記
記姦之位子華姦人而列在會君盟替矣作而
不記非盛德也君其勿許鄭必受盟夫子華既

為大子而求介於大國以弱其國亦必不免介

也鄭有叔詹堵叔師叔三良為政未可間也齊

侯辭焉子華由是得

罪於鄭為十六年殺子華傳

曹伯班卒公班公

子友如齊

罷盟聘而

冬

鄭伯使請盟于齊以齊侯不聽子華故

葬曹

昭公

八年春王正月公會王人齊侯

宋公衛侯許男曹伯陳世子款

盟于洮鄭伯乞盟

陳世子款下公有鄭世子華○王人微者序諸侯上先王命也洮曹地

閏月惠王崩前年襄王惡大叔帶之難襄王大

大叔帶襄王弟惠后子惠后欲立之懼不立不發喪而告難于齊

八年春盟于洮謀王室也鄭伯乞

盟請服也襄王定位而後發喪

夏狄伐

晉

晉里克帥師梁由靡御虢射為右以敗狄于采桑采桑地名梁由靡曰狄無恥從之必大

克不恥逐里克曰懼之而已無速衆狄號射曰

期年狄必至示之弱矣夏狄伐晉報采桑之役

也復

期月

秋七月禘于大廟用致夫

人

致新死之主於廟而列之昭穆

凡夫人不薨于寢不殯于廟不赴于同不

祔于姑則弗致也

寢小寢同同盟禮將葬以殯過廟

冬十有二月丁未

天王崩

冬王人來告喪難故也

是以緩實惠王也有叔帶難今始告喪

九年春王三月丁丑宋公御說

卒

御公穀作禦

宋公疾大子茲父固請曰目夷長

且仁君其立之

茲父襄公也目夷茲父庶兄子魚也

公命子

魚子魚辭曰能以國讓仁孰大焉臣不及也且

又不順

立庶不順

遂走而退九年春宋桓公卒宋襄

公即位以公子目夷為仁使為左師以聽

政於是宋治故魚氏世為左師

魚氏子後

夏

公會宰周公齊侯宋子衛侯鄭

伯許男曹伯于葵丘

宰孔稱周公天子三公分字葵地丘宋

夏會于葵

丘尋盟且修好禮也王使宰孔賜齊侯胙尊之比二

王後曰天子有事于文武有祭事也使孔賜伯舅胙天子

謂異姓諸侯曰伯舅齊侯將下拜孔曰且有後命天子使

孔曰以伯舅耄老加勞賜一綬無下拜七十曰耄七十一曰

也對曰天威不遠顔咫尺八寸曰咫尺小白余敢貪天

子之命無下拜恐隕越于下隕越顛隕也以遺天子

羞敢不下拜下拜登受宋桓公卒未葬而襄公

會諸侯故曰子凡在喪王曰小童公侯曰子在喪

未葬也
子者繼
父之辭

秋七月乙酉伯姬卒

內女許
嫁為夫
人亦
書卒

九月戊辰諸侯盟于葵丘

秋齊侯
盟諸侯

于葵丘曰凡我同盟之人既盟之後言歸于好

宰孔先歸遇晉侯曰可無會也齊侯不務德而

勤遠略故北伐山戎在莊三
十一年南伐楚在四
年西為

此會也東略之不知西則否矣言或向東必
不能復西略其

在亂乎言齊必
有亂君務靖

亂無勤於行晉侯乃還甲子晉侯佹諸

卒冬晉里克殺其君之子奚齊

甲子公作甲戌倭公穀作詭殺公作弒○甲九
子九月十一日戊辰十五日書在盟後從赴

月晉獻公率里克平鄭欲納文公故以三公子

之徒作亂平音丕平鄭晉大夫三
公子申生重耳夷吾初獻公使荀

息傅奚齊公疾召之曰以是藐諸孤藐音眇
小也辱

在大夫其若之何稽首而對曰臣竭其股肱之

力加之以忠貞其濟君之靈也不濟則以死繼

之公曰何謂忠貞對曰公家之利知無不為忠

也送往事居耦俱無猜貞也送死事生
兩無疑恨及里克

將殺奚齊先告荀息曰三怨將作秦晉輔之子
將何如荀息曰將死之里克曰無益也荀叔曰
吾與先君言矣不可以貳能欲復言而愛身乎
復言言可復也雖無益也將焉辟之且人之欲善誰不
如我我欲無貳而能謂人已乎言不能止里克冬十月
里克殺奚齊于次次喪書曰殺其君之子未葬
也荀息將死之人曰不如立卓
子而輔之荀息立公子卓以葬

十年春王正月公如齊

始朝齊也

狄滅

溫子奔衛

十年春秋滅溫蘇子無信也蘇子叛王即狄又不能

於狄狄人伐之王不救故滅蘇

子奔衛

蘇子國於溫故曰溫子叛王事在莊十九年

晉里克弑

其君卓及其大夫荀息

卓公作卓子○獻公既葬故十卓稱君

一月里克殺公子卓于朝荀息死之

弑在前年十一月經

書今春從赴

君子曰詩所謂白圭之玷尚可磨也斯

言之玷不可為也荀息有焉齊侯以諸侯之師

伐晉及高梁而還討晉亂也

高梁地

令不及魯故

不書晉卻芮使夷吾重賂秦以求入曰人實有

國我何愛焉

言國非已有何愛而不以賂秦

入而能民土於何

有從之齊隰朋帥師會秦師納晉惠公

隰朋齊大夫惠

公夷吾

秦伯謂卻芮曰公子誰恃對曰臣聞亡人

無黨有黨必有讎夷吾弱不好弄

弄戲也

能聞不

過

有節制

長亦不改不識其他公謂公孫枝曰夷

吾其定乎

公孫枝秦大夫

對曰臣聞之唯則定國詩曰

不識不知順帝之則文王之謂也又曰不僭不

賊鮮不為則

僭差也賊害也

無好無惡不忌不克之謂

也今其言多忌克難哉公曰忌則多怨又焉能

克是吾
利也
夏齊侯許男伐北戎○晉

殺其大夫里克
夏四月周公忌父王子
黨會齊隰朋立晉侯子

黨周
大夫
晉侯殺里克以說
自解說
將殺里克公使

謂之曰微子則不及此雖然子弑二君與一大

夫為子君者不亦難乎對曰不有廢也君何以

興欲加之罪其無辭乎臣聞命矣伏劍而死於

是平鄭聘于秦且謝
晉侯改

緩賂故不及
平鄭里
秋七月○
葬共大

子

共大子申生也

秋狐突適下國

下國曲沃新城

遇大子大子

使登僕

忽如夢而相見狐突本為申生御故復使登車為僕

而告之曰夷

吾無禮余得請於帝矣將以晉畀秦秦將祀余

對曰臣聞之神不歆非類民不祀非族君祀無

乃殄乎且民何罪失刑之祀君其圖之君曰諾

吾將復請七日新城西偏將有巫者而見我焉

許之遂不見及期而往告之曰帝許我罰

有罪矣敝於韓

敝敗也韓晉地為十五年晉惠公敗於韓張本

冬

大雨雪

雪公作電

十有一年春晉殺其大夫平鄭

父

平鄭之如秦也言於秦伯曰呂甥卻稱冀
為實為不從若重問以召之

冀為即卻為三子晉大夫

不從謂不與秦賂問聘問之幣

臣出晉君君納重耳蔑不濟矣

冬

即前年冬

秦伯使泠至報問且召三子

泠至秦大夫

卻

為曰幣重而言甘誘我也遂殺平鄭祁舉

祁舉晉大夫

夫

及七輿大夫

侯伯七命副車七乘

左行共華右行賈華

叔堅騅歔纍虎特宮山祁皆里平之黨也

七子與

夫平豹奔秦

平豹平鄭之子

言於秦伯曰晉侯背大主

而忌小怨民弗與也伐之必出大主秦也公曰

失衆焉能殺謂殺里違禍誰能出君謂豹辟十

一年春晉侯使以平鄭之亂來告天王使召武

公內史過賜晉侯命名武公受王情過歸告王

曰晉侯其無後乎王賜之命而情於受瑞先自

棄也已其何繼之有禮國之幹也敬禮之興也

不敬則禮不行禮不行

則上下昏何以長世夏公及夫人姜

氏會齊侯于陽穀公及夫人會齊秋夏

侯參譏

揚

拒泉臯伊雒之戎同伐京師入王城焚東門拒揚

泉臯皆戎邑伊雒皆水名王子帶召之也秦晉伐戎以救周

秋晉侯平戎于王

為二十四年天王出居鄭傳

八月大雩○冬楚

人伐黃

黃人不歸楚貢冬楚人伐黃

十有二年春

十二年春諸侯城衛楚丘之郭懼狄難也

王

三月庚午日有食之○夏楚人

滅黃

黃人恃諸侯之睦于齊也不共楚職曰自郢及我九百里焉能害我夏楚滅黃

郢都

秋七月○冬

王以戎難故討王子帶為二十年召

子帶張本

冬齊侯使管夷吾平戎于王使隰朋平戎

于晉王以上卿之禮饗管仲管仲辭曰臣賤有

司也有天子之二守國高在

國子高子天子所命為齊守臣皆上

也卿若節春秋來承王命何以禮焉

節時

陪臣敢

辭

諸侯之臣

王曰舅氏

伯舅之使

余嘉乃勲應

乃懿德謂督不忘

督篤

往踐乃職無逆朕命管

仲受下卿之禮而還

卒受本位之禮

君子曰管氏之世

祀也宜哉讓不忘其上詩曰愷悌君子神所勞

矣

十有二月丁丑陳侯杵臼卒

公杵

作處

十有三年春

十三年春齊侯使仲孫湫聘于周且言王子帶事畢

不與王言歸復命曰未可王怒未

怠其十年乎不十年王弗召也

狄侵衛

○夏四月葬陳宣公○公會齊

侯宋公陳侯衛侯鄭伯許男曹

伯于鹹

鹹地 衛夏會于鹹淮夷

秋

為戎難故諸侯

成周齊仲孫湫

致之

致戊辛于周

九月大雩○冬

使乞糴

晉荐饑

于秦秦伯謂子桑與諸乎

子桑公孫枝

對曰重施而

報君將何求重施而不報其民必攜攜而討焉

無衆必敗謂百里與諸乎夫百里秦大對曰天災

流行國家代有救災恤鄰道也行道有福平鄭

之子豹在秦請伐晉秦伯曰其君是惡其民何

罪秦於是乎輸粟于晉自雍及絳相繼雍秦國都絳晉

國都命之曰汎舟

之役從渭水運入河汾

公子友如齊

十有四年春諸侯城緣陵

緣陵杞邑避淮都夷遷十

四年春諸侯城緣陵而遷杞焉不書

其人有闕也

闕謂器用不具城池未固而去為患不終也

夏六

月季姬及鄆子遇于防使鄆子

來朝

鄆穀作縉後同鄆國名季姬魯女鄆夫人也鄆季姬來寧公怒止之以鄆子之不朝也夏遇于防而

使來

朝

秋八月辛卯沙鹿崩

沙鹿山名 秋八月

辛卯沙鹿崩晉卜偃曰

期年將有大咎幾亡國

狄侵鄭

冬

饑

使乞糴于晉晉人弗與慶鄭曰背施無親

慶鄭晉大夫

夫 幸災不仁貪愛不祥怒鄰不義四德皆失何

以守國號射曰皮之不存毛將安傅

號射惠公舅言既背

秦施與羅無益

慶鄭曰棄信背鄰患孰恤之無信患作

失援必斃是則然矣號射曰無損於怨而厚於

寇不如勿與慶鄭曰背施幸災民所棄也近猶

讎之况怨敵乎弗聽

退曰君其悔是哉

蔡侯貜卒

十有五年春王正月公如齊

○

楚人伐徐

十五年春楚人伐徐徐即諸夏故也

三月公

會齊侯宋公陳侯衛侯鄭伯許

男曹伯盟于牡丘遂次于匡公

孫敖帥師及諸侯之大夫救徐

帥公作率後同○牡丘齊地匡衛地公孫敖慶父子三月盟于牡丘尋葵

丘之盟且救徐也孟穆伯帥師及諸侯之師救

徐諸侯次于

匡以待之

夏五月日有食之

夏五

月日有食之不書

朔與日官失之也

秋七月齊師曹師

伐厲

厲楚與國秋伐厲以救徐也

八月螽○九月

公至自會○季姬歸于鄆○已

卯晦震夷伯之廟

夷謚伯字魯大震夫展氏之祖父夷伯之廟罪之也

於是展氏

有隱隱焉

冬宋人伐曹

冬宋人伐曹討舊怨也莊十四年曹與

諸侯伐宋

楚人敗徐于婁林

婁林徐地楚敗徐于婁林徐恃救也

時齊救

十有一月壬戌晉侯及秦伯

戰于韓獲晉侯

得大夫曰獲書獲貶晉侯也此晉秦兵交之始

姬屬賈君焉

賈君晉獻公次妃賈女

且曰盡納羣公子

羣公

子晉武

晉侯烝於賈君又不納羣公子是以穆

姬怨之晉侯許賂中大夫

中大夫國內既而皆執政里平等

背之賂秦伯以河外列城五東盡虢略南及華

山內及解梁城既而不與河外河南也從河南

嶽也解梁城在河北晉饑秦輸之粟秦饑晉閉之糴故秦

伯伐晉卜徒父筮之吉徒父秦人涉河侯車敗詰

之侯者五等總名秦伯車對曰乃大吉也三敗

必獲晉君其卦遇蠱巽下艮上曰千乘三去三

去之餘獲其雄狐夫狐蠱必其君也蠱之貞風

也其悔山也內卦為貞外卦為悔貞為歲云秋

矣我落其實而取其材所以克也艮為山山有

風落其實則人取其材實落材亡不敗何待三敗及韓秦伯

之車三晉侯謂慶鄭曰寇深矣若之何對曰君

經敗壞

實深之可若何公曰不孫卜右慶鄭吉弗使惡其

不步揚御我家僕徒為右步揚御乘小駟鄭入

也小駟鄭所獻馬慶鄭曰古者大事必乘其產生其水

土而知其人心安其教訓而服習其道唯所納

之無不如志今乘異產以從戎事及懼而變將

與人易變易亂氣狡憤陰血周作張脉僨興外

彊中乾僨動也言馬狡戾憤滿則血脉竭進退不

可周旋不能君必悔之弗聽九月周之十一月夏之九月羅

泌以為傳據晉史經晉侯逆秦師使韓簡視師

韓簡晉大夫復曰師少於我鬪士倍我公曰何

故對曰出因其資

謂奔梁求秦

入用其寵

為秦所納

饑食

其粟三施而無報是以来也今又擊之我怠秦

奮倍猶未也

秦之闕志倍猶未止

公曰一夫不可狃况國

乎

狃狎也言我有一國不可受其狎侮

遂使請戰曰寡人不佞能

合其衆而不能離也君若不還無所逃命秦伯

使公孫枝對曰君之未入寡人懼之入而未定

列猶吾憂也

列位也

苟列定矣敢不承命韓簡退

曰吾幸而得囚壬戌戰于韓原晉戎馬還潯而

止

潯泥也還便旋也

公彌慶鄭慶鄭曰復諫違卜

復戾也

固

敗是求又何逃焉遂去之梁由靡御韓簡虢射

為右輅秦伯將止之

輅音迓迎也止獲也

鄭以救公誤之

遂失秦伯秦獲晉侯以歸晉大夫反首拔舍從

之

反首髮反垂也拔舍草舍

秦伯使辭焉曰二三子何其感

也寡人之從君而西也亦晉之妖夢是踐豈敢

以至

今將晉君而西以踐孤突之夢不敢終執

晉大夫三拜稽首曰

君履后土而戴皇天皇天后土實聞君之言羣

臣敢在下風穆姬聞晉侯將至以天子瑩弘與

女簡璧登臺而履薪焉

瑩弘穆姬二子登臺履薪示欲自焚

使以

免服衰經逆且告

免音問免衰經遭喪之服

曰

上天降災使我兩君匪以玉帛相見而以興戎

若晉君朝以入則婢子夕以死夕以入則朝以

死唯君裁之乃舍諸靈臺

婢子婦人之卑稱靈臺周之故臺自日上

天四十七字古本無

大夫請以入公曰獲晉侯以厚歸也

厚獲而歸

既而喪歸焉用之

忍夫入或自殺

大夫其何有焉

且晉人感憂以重我

反首拔舍以示重憂

天地以要我不

圖晉憂重其怒也我食吾言背天地也重怒難

任背天不祥必歸晉君公子繫曰不如殺之無

聚慝焉

公子繫秦大夫

子桑曰歸之而質其大子必得

大成

成和好也

晉未可滅而殺其君祗以成惡且史

佚有言曰無始禍

史佚周武王時大史尹佚

無怙亂

恃人亂為已利

無重怒重怒難任陵人不祥乃許晉平晉侯使

卻乞告瑕呂飴甥且召之

卻乞晉大夫瑕呂飴甥即呂甥姓瑕呂名

飴甥字子金子金教之言曰朝國人而以君命

賞

恐國人不從故先賞於朝

且告之曰孤雖歸辱社稷矣其

卜貳圉也

卜代為天子圉

眾皆哭晉於是乎作爰田

爰易也分公田之稅改易與眾

呂甥曰君亡之不恤而羣臣是

憂惠之至也將若君何眾曰何為而可對曰征

繕以輔孺子

征賦也繕治也孺子天子圉



諸侯聞之喪君有

君羣臣輯睦甲兵益多好我者勸惡我者懼庶

有益乎眾說晉於是乎作州兵

州二千五百家

初晉獻

公筮嫁伯姬於秦遇歸妹  兌下之睽 

兌下史蘇占之曰不吉 史蘇晉卜其繇曰士卦

羊亦無益也女承筐亦無貺也 益音荒血也貺賜也歸妹上六

無應故下卦羊無血上承筐無實西鄰責言不

可償也 兌為西方為口舌雷動不能償其責歸妹之睽

猶無相也震之離亦離之震 二卦變而為雷為

火為羸敗姬 羸秦姓姬晉姓震為雷離為火火

車說其輶火焚其旗不利行師敗于宗丘 說音

車下縛也丘猶邑也震為車離為火上火六爻在

震則無應故車脫輶在離則失位故火焚旗火

還害毋故敗不歸妹睽孤寇張之孤 震睽之極

出國近在宗邑  僖公 三十一

失位孤絕故遇冠姪其從姑震為木離為火火

於火為姑謂六年其逋逃歸其國而棄其家亡通

也家謂子圍婦懷嬴數周必復易明年其死於

高梁之虛惠公死之明年文公及惠公在秦曰

先君若從史蘇之占吾不及此夫韓簡侍曰龜

象也筮數也物生而後有象象而後有滋滋而

後有數先君之敗德及可數乎及謂史蘇是占

勿從何益詩曰下民之孽匪降自天傳皆背憎

職競由人職主也言傳皆由人十月晉陰飴甥

會秦伯盟于王城陰飴甥即呂甥食秦伯曰晉

國和乎對曰不和小人恥失其君而悼喪其親
不憚征繕以立圉也曰必報讎寧事戎狄君子
愛其君而知其罪不憚征繕以待秦命曰必報
德有死無二以此不和秦伯曰國謂君何對曰
小人感謂之不免君子恕以為必歸小人曰我
毒秦秦豈歸君毒謂三施不報君子曰我知罪矣秦必
歸君貳而執之服而舍之德莫厚焉刑莫威焉
服者懷德貳者畏刑此一役也秦可以霸納而
不定廢而不立以德為怨秦不其然秦伯曰是
吾心也改館晉侯饋七牢焉牛羊豕各一牢蛾析謂

慶鄭曰盍行乎

蛾析晉大夫

對曰陷君於敗敗而不

死又使失刑非人臣也臣而不臣行將焉入十

一月晉侯歸丁丑殺慶鄭而後入是歲晉又饑

秦伯又餽之粟曰吾怨其君而矜其民且吾聞

唐叔之封也箕子曰其後必大晉其庸可冀乎

姑樹德焉以待能者於是秦始征晉河東置官

司焉

征賦也此即河外五

城之地至是始歸之秦

十有六年春王正月戊申朔隕

石于宋五。是月六鷁退飛過宋。

都

是月公作賈鷁穀作賜。鷁音亦。重言十六。是月嫌同日宋人以為災。告故書。

年春隕石于宋五。隕星也。

鷁水鳥遇風退飛。

周内史叔與聘

于宋。宋襄公問焉曰：「是何祥也？」吉凶焉在？對曰：

「今茲魯多大喪。」

此歲季友公孫茲卒。

「明年齊有亂，君將得

諸侯而不終退，而告人曰：「君失問。」是陰陽之事

非吉凶所生也。吉凶由人，吾不

敢逆君故也。」

君問不敢逆之故，假他占以對。

三月壬申

公子季友卒

字稱之貴

夏

齊伐厲不克救徐而還

四

月丙申鄆季姬卒

秋

狄侵晉取狐厨受鐸

涉汾及昆都因晉敗

也

狐厨受鐸昆都也晉三邑汾水名

七月甲子公孫

茲卒

王以我難告于齊齊徵諸侯而戌周

冬

十一月乙卯鄭殺子

華

十有二月公會齊侯宋公陳

侯衛侯鄭伯許男邢侯曹伯于

淮

淮水之旁十二月會于淮謀鄆且東略也鄆為淮夷所病故也東略終城鄆役人病有夜登丘

而呼曰齊有亂

不果城而還

十有七年春齊人徐人伐英氏

十七年春齊人為徐伐英氏

以報婁林之役也英氏楚與國

夏晉大子圉為質於秦

秦歸河東而妻之惠公之在梁也梁伯妻之梁

嬴孕過期卜招父與其子卜之招音韶卜招其父梁大卜

子曰將生一男一女招曰然男為人臣女為人

妾故名男曰圉女曰妾及子圉西質妾為宦女

焉宦事滅項師滅項項國名淮之會公有諸

秦為妾滅項侯之事會同講禮之事未歸而取項齊

人以為討而

止公內諱執言止

秋夫人姜氏會齊侯

于下地魯秋聲姜以公故會

齊侯于下聲姜僖公夫人齊女九月公至

自會

九月公至書曰至自會猶有諸侯之事焉且諱之也

冬十

有二月乙亥齊侯小白卒

齊侯之夫人三

王姬徐嬴蔡姬皆無子齊侯好內

好女色也

多內寵

內嬖如夫人者六人長衛姬生武孟

武孟公子無虧

少

衛姬生惠公

公子元

鄭姬生孝公

公子昭

葛嬴生昭

公

潘公子

密姬生懿公

公子商人

宋華子生公子雍

華氏

之姓女

公與管仲屬孝公於宋襄公以為大子雍

巫有寵於衛共姬因寺人貂以薦羞於公

雍掌食官

名巫字易牙共姬長衛姬亦有寵公許之立武

孟易牙為共姬請管仲卒五公子皆求立冬十月乙亥

齊桓公卒乙亥月八日易牙入與寺人貂因內寵內官

有權寵者以殺羣吏而立公子無虧孝公奔宋十二

月乙亥赴辛巳

夜殯六十七日乃殯

十有八年春王正月宋公曹伯

衛人邾人伐齊宋公下公十八年春宋襄公以諸侯伐齊三月

齊人殺

鄭伯始朝于楚

中國無霸故

楚子賜之

無虧

金既而悔之與之盟曰無以鑄兵

楚金故以利故以

鑄三鐘

夏師救齊

○五月戊寅

宋師及齊師戰于贏齊師敗績

無虧既死諸侯先去故齊人將立孝公不勝四

宋師獨與齊戰公子之徒遂與宋人戰無虧已死故夏五月宋

敗齊師于贏

救四公子

立孝公而還

狄救齊

徒之

秋八月

春秋

卷五

丁亥葬齊桓公

秋八月葬齊桓公十一月而葬亂故

冬邢

人狄人伐衛

狄始書人冬邢人狄人伐衛圖菟園衛邑

兄弟及朝衆曰苟能治之燬請從焉

燬文公名

衆不可而後師于訾婁

訾婁衛邑狄師還邢留獨言狄還

十有九年春

梁伯益其國而不能實也多築城邑而命曰新里秦無民以實之

取之十九年春

遂城而居之

王三月宋人執滕子

嬰齊

宋暴弱故貶稱人
滕子失地故名

夏六月宋公

曹人邾人盟于曹南鄆子會盟

于邾已酉邾人執鄆子用之

宋公作公

宋人○曹南曹之南
也鄆子後期故執之夏宋公使邾文公用鄆子

于次睢之社欲以屬東夷睢水名次水旁蓋殺
人用祭以懼東夷使

來歸已也司馬子魚曰古者六畜不相為用司馬子
魚即目

夷也謂若祭小事不用大牲若釁廟用羊釁門
及夾室用雞之類

而况敢用人乎祭祀以為人也民神之主也用

人其誰饗之齊桓公存三亡國以屬諸侯三亡國魯

刑義士猶曰薄德謂欲因亂取今一會而虐二

國之君謂執滕又用諸淫昏之鬼將以求霸不

亦難乎得

死為幸

秋宋人圍曹

宋人圍曹討不

禮故子魚言於宋公曰文王聞崇德亂而伐之軍

三旬而不降崇崇侯虎退脩教而復伐之因壘而降

因舊壘而詩曰刑于寡妻至于兄弟以御于家

邦刑法也今君德無乃猶有所闕而以伐人若之

何盍姑內省德

乎無闕而後動

是衛大旱卜有事於山川不吉有事祭也甯莊子曰

昔周饑克殷而年豐今邢方無道諸侯無伯天

其或者欲使衛討邢

乎從之師興而雨

冬會陳人蔡人

楚人鄭人盟于齊

冬下公字○地於齊齊亦與盟此楚與齊盟之始陳穆公

請脩好於諸侯以無忘齊桓之德冬

盟于齊脩桓公之好也宋襄暴虐故思齊桓

梁亡

梁亡不書其主自取之也

不書取梁者主名

初梁伯好

土功亟城而弗處

城其邑而民以居

民罷而弗堪則曰

某寇将至乃溝公宮

溝塹也

曰秦

將襲我民懼而潰秦遂取梁

二十年春新作南門

魯城南門本名稷門二十

書不時也凡啓塞從時

戶門

道橋謂之啓城郭牆塹謂之塞從時謂隨壞時而治

夏郕子來朝

五月乙巳西宮災

西宮公別也

鄭人

入滑滑人叛鄭而服於衛夏鄭公子士秋

齊人狄人盟于邢邢謀衛難也於是

衛方病邢冬楚人伐隨隨以漢東諸侯叛

帥師伐隨取成而還君子曰隨之見伐不量力

也量力而動其過鮮矣善敗由已而由人乎哉

善成也詩曰豈不夙夜謂

行多露喻違禮而行必有汙辱

二十有一年春狄侵衛
為邢故宋人

齊人楚人盟于鹿上
鹿上宋地 宋襄公欲合諸侯臧文仲

聞之曰以欲從人則可
屈已之欲從眾之善以人從欲鮮

濟二十一年春宋人為鹿上之盟以求諸侯於

楚楚人許之公子目夷曰小國
夏

爭盟禍也宋其亡乎幸而後敗
夏大旱

旱公欲焚巫尫
也音汪巫尫女巫也主祈禱請雨者臧文仲曰非

旱備也脩城郭
脩築城郭則食就食省用務穡勸

分勸分有此其務也巫尫何為天欲殺之則如

勿生若能為旱焚之滋甚公從之是歲也饑而

不害秋宋公楚子陳侯蔡侯鄭伯

許男曹伯會于孟執宋公以伐

宋孟公作霍穀作雱○孟宋地楚始與中國
行會禮故稱爵不言楚執者不與夷狄之
國也秋諸侯會宋公于孟子魚曰禍其在

此乎君欲已甚其何以堪之言公貪欲大甚冬公

諸侯必不堪而於是楚執宋公以伐宋

伐邾

任宿須句顓臾風姓也實司大皞與有

諸夏邾人滅須句須句子來奔因成風也須句成風

家成風為之言於公曰崇明祀保小寡周禮也

蠻夷猾夏周禍也邾國迫近諸戎雜用夷禮故曰蠻夷猾夏

若封須句是崇皞濟而脩祀紓禍也 楚人

使宜申來獻捷

宜申楚大夫也此楚大夫見經之始

十有

二月癸丑公會諸侯盟于薄釋

宋公

薄宋地

冬會于薄以釋之

宋公請服於楚故也

子魚曰禍猶未也未足以懲君

二十有二年春公伐邾取須句

句公作胸後同

二十二年春伐邾

取須句及其君焉禮也

夏宋公衛侯

許男滕子伐鄭

三月鄭伯如楚夏宋公伐鄭子魚曰所謂禍在

此矣

鄭怒初平王之東遷也辛有適伊川見

至楚故伐之

秋

被髮而祭於野者辛有周大夫曰伊川周地

不及百年此其戎乎其禮先亡矣彼髮而祭秋有象夷狄

秦晉遷陸渾之戎于伊川允姓之戎居陸渾在秦晉西北二國誘而

之徙晉大子圉為質於秦將逃歸謂嬴氏曰

與子歸乎嬴氏懷嬴對曰子晉大子而辱於

秦子之欲歸不亦宜乎寡君之使婢子侍執巾

櫛以固子也從子而歸棄君命也不敢從亦不

敢言遂富辰言於王曰請召大叔富辰周大夫大

逃歸叔王子帶十詩曰協比其鄰昏姻

孔云孔甚也云旋也吾兄弟之不協焉能怨諸侯之不

睦王說王子帶自齊復歸于京師王召之也

八月丁未及邾人戰于升陘

升陘魯地

書及不言敗邾人以須句故出師公卑邾不設

為公諱之

備而禦之臧文仲曰國無小不可易也無備雖

衆不可恃也詩曰戰戰兢兢如臨深淵如履薄

冰又曰敬之敬之天惟顯思顯明也思語辭命不易哉

先王之明德猶無不難也無不懼也況我小國

乎君其無謂邾小蠶蠹有毒而況國乎蠶蠹皆害蟲

弗聽八月丁未公及邾師戰于升陘我師

敗績邾人獲公冑縣諸魚門冑兗縣魚門邾城門

冬

十有一月己巳朔宋公及楚人

戰于泓宋師敗績

名泓水 楚人伐宋以救鄭宋公將戰大

司馬固諫

大司馬即司馬子魚也固諫堅辭以諫

曰天之棄商久

矣君將與之弗可赦也已

言違天必不宥

弗聽冬十

一月己巳朔宋公及楚人戰于泓宋人既成列

楚人未既濟

未盡渡泓水

司馬曰彼衆我寡及其未

既濟也請擊之公曰不可既濟而未成列又以

告公曰未可既陳而後擊之宋師敗績公傷股

門官殲焉

門官守門者師行則在君左右

國人皆咎公公曰君

子不重傷

敵已再傷之不忍

不禽二毛

頭白有二色

古之

為軍也不以阻隘也

不以因阻隘以求勝

寡人雖亡國之

餘

宋商之後

不鼓不成列

敵未成陳我不擊鼓

子魚曰君未知

戰勅敵之人隘而不列天贊我也

勅強也

阻而鼓

之不亦可乎猶有懼焉

猶恐不勝

且今之勅者皆吾

敵也雖及胡考獲則取之何有於二毛

胡考者老之稱

明恥教戰求殺敵也傷未及死如何勿重若愛

重傷則如勿傷愛其二毛則如服焉

言不如早服

三

軍以利用也金鼓以聲氣也利而用之阻隘可

也聲盛致志鼓儵可也儵音槐陳丙子晨鄭文

夫人羊氏姜氏勞楚子於柯澤羊音弭羊氏楚

文公夫人楚子使師縉示之俘馘師縉楚樂師

柯澤鄭地君子曰非禮也婦人送迎不出門見兄弟

不踰閭閭門戎事不邇女器女器女子丁丑楚

子入享于鄭為鄭九獻用上公庭實旅百加籩

豆六品食物六品享畢夜出文羊送于軍取鄭

二姬以歸二姬文叔詹曰楚王其不沒乎不以

為禮率於無別無別不可謂禮將

何以沒諸侯是以知其不遂霸也

二十有三年春齊侯伐宋圍緡

緡穀作閔後同○緡宋邑

二十三年春齊侯伐宋圍

緡以討其不與盟于齊也

盟于齊在十九年

夏五

月庚寅宋公茲父卒

茲公夏五月宋襄公卒傷於泓

故秋楚人伐陳

秋楚成得臣帥師伐陳討其貳於宋也

遂取焦夷城頓而還

焦夷皆陳邑頓國名

子文以為之功

使為令尹叔伯曰子若國何

叔伯楚大夫遂呂臣也言子玉不任

尹令對曰吾以靖國也夫有大功而無

貴仕其人能靖者與

有

有幾

言不
多也

冬十

有一月杞子卒

十一月杞成公卒書曰

子杞夷也

成公行夷禮
故於卒貶之

不書名未同盟也凡諸侯同盟死則赴以名禮

也赴以名則亦書之不然則否辟不敏也

敏猶
審也

春秋卷第五

春秋卷第六

左氏傳

僖公

下

二十有四年春王正月○夏狄

伐鄭

鄭之入滑也滑人聽命

入

滑在

二十年

師還又

即衛鄭公子士洩堵俞彌帥師伐滑

洩堵

俞彌鄭大夫

王使伯服游孫伯如鄭請滑

二子周大夫

鄭

伯怨惠王之入而不與厲公爵也

事在莊二十一年

又

怨襄王之與衛滑也故不聽王命而執二子王

怒將以狄伐鄭富辰諫曰不可臣聞之大上以

德撫民

無親疏也

其次親親以相及也

先親及疏

昔周公

吊二叔之不咸故封建親戚以蕃屏周

吊傷也咸同也

二叔夏殷之叔世

管蔡郕霍魯衛毛聃郕雍曹滕畢原

鄆郇文之昭也

十六國皆文王子也

邢晉應韓武之穆也

四國皆武王子

凡蔣邢茅胙祭周公之胤也召穆公思

周德之不類故糾合宗族于成周而作詩

類善也召

穆公周卿士名虎召采地曰常棣之華鄂不韡韡凡今之人

莫如兄弟其四章曰兄弟閱于牆外禦其侮如

是則兄弟雖有小忿不廢懿親今天子不忍小

忿以棄鄭親其若之何庸勲親親暱近尊賢德

之大者也庸用也即薺從昧與頌用噐茲之大者

也棄德崇茲禍之大者也鄭有平惠之勲鄭平王

納惠王又有厲宣之親鄭桓公友厲王宣王母弟棄嬖寵而

用三良三良叔詹堵叔師叔於諸姬為近在姬姓諸國與周接壤四

德具矣耳不聽五聲之和為薺目不別五色之

章為昧心不則德義之經為頌口不道忠信之

言為噐狄皆則之四姦具矣周之有懿德也猶
曰莫如兄弟故封建之其懷柔天下也猶懼有
外侮扞禦侮者莫如親親故以親屏周召穆公
亦云今周德既衰於是乎又渝周召以從諸姦
無乃不可乎民未忘禍有子穢叔王又興之其
若文武何王弗聽使頹叔桃子出狄師二子周大夫
夏狄伐鄭取櫟王德狄人將以其女為后富辰
諫曰不可臣聞之曰報者倦矣施者未厭狄固
貪惓王又啓之惓同婪殺人女德無極婦怨無
終婦女之志近之則不知狄必為患王又弗聽

終

止是遠之則忿怨無已

狄必為患王又弗聽

秋七月

鄭子華之弟子臧出奔宋好聚

鷩冠

鷩音律鳥名聚鷩羽以為冠

鄭伯聞而

惡之使盜誘之八月盜殺之于陳宋之間君子

曰服之不衷身之災也

衷猶適也

詩曰彼已之子不

稱其服子臧之服不稱也夫詩曰自詒伊戚其

子臧之謂矣夏書曰地平天成稱也

今虞書大禹謨上下

宋及楚平宋成公如楚還入於鄭鄭伯

將享之問禮於皇武子

皇武子鄭卿

對曰宋

先代之後也於周為客天子有事膳焉有喪拜

焉

宋吊周喪王特拜謝之

豐厚可也鄭伯從之享宋公有

加禮

也

冬天王出居于鄭

襄王也天子以天下為家故所居天

子無外而書出者譏其失位也初甘昭公有寵於惠后甘昭公王子帶

食邑惠后将立之未及而卒昭公奔齊王復之

又通於隗氏王替隗氏隗氏王所立狄后替廢也頹叔挑子

曰我實使狄狄其怨我遂奉大叔以狄師攻王

王御士將禦之周禮王之御士十二人王曰先后其謂我

何寧使諸侯圖之王遂出及坎飲國人納之坎飲

周地頹叔挑子奉大叔以狄師伐周大敗周師

獲周公忌父原伯毛伯富辰原毛皆采邑王出適鄭

處于汜記音凡大叔以隗氏居于温冬王使來

告難曰不穀不德穀善也不得罪于母弟之寵

子帶為惠后所寵鄙在鄭地記也鄙野敢告叔父

臧文仲對曰天子蒙塵于外敢不奔問官守官守

王之羣臣王使簡師父告于晉使左鄢父告于秦子二

周大夫天子無出書曰天王出居于鄭辟母弟之

難也天子凶服降名禮也凶服素服降名稱不穀得恐懼脩省之禮

鄭伯與孔將鉏石甲父侯宣多省視官具于汜

三子鄭大夫省而後聽官司具器用晉侯夷吾卒九月

其私政禮也得先君後已之禮

晉惠公卒

九月即前年九月經在此

懷公命無

從亡人

懷公子圉

期期而不至無赦

上期約也下期周年

也

狐突之子毛及偃從重耳在秦弗召

偃子冬

懷公執狐突曰子來則免對曰子之能仕父教

之忠古之制也策名委質貳乃辟也

辟罪也言名書所臣

之策委身事之不可貳心

今臣之子名在重耳有年數矣若

又召之教之貳也父教子貳何以事君刑之不

濫君之明也臣之願也淫刑以逞誰則無罪臣

聞命矣乃殺之卜偃稱疾不出曰周書有之乃

大明服

言君能大

已則不明而殺人以逞不亦

難乎民不見德而唯戮是聞其何後之有言必無後

晉公子重耳之及於難也晉人伐諸蒲城蒲城

人欲戰重耳不可曰保君父之命而享其生祿

保猶恃也於是乎得人有人而校罪莫大焉校勝負吾

其奔也遂奔狄從者狐偃趙衰衰趙風弟顛頡魏武

子武子魏犢司空季子胥臣白季時狐狄人伐廐咎

如廐音牆咎音羔廐咎獲其二女叔隗季隗納

諸公子公子取季隗生伯儵叔劉以叔隗妻趙

衰生盾儵音紬將適齊謂季隗曰待我二十五

年不來而後嫁對曰我二十五年矣又如而是而

嫁則就木焉

言將死入木

請待子處狄十二年而行

過衛衛文公不禮焉出於五鹿

五鹿衛地

乞食於野

人野人與之塊

與以土塊

公子怒欲鞭之子犯曰天

賜也

得土有國之祥

稽首受而載之及齊齊桓公妻之

妻以宗女姜氏

有馬二十乘公子安之從者以為不可

將行謀於桑下

齊桓既卒知不足恃

蠶妾在其上以告

姜氏姜氏殺之

恐孝公怒其去殺之滅口

而謂公子曰子有

四方之志其聞之者吾殺之矣公子曰無之姜

曰行也懷與安實敗名

懷寵安居實敗功名

公子不可姜

與子犯謀醉而遣之醒以戈逐子犯

無去志故怒

及

曹曹共公聞其駢脅欲觀其裸句浴薄而觀之

薄迫也駢脅合榦

僖負羈之妻

僖負羈曹大夫

曰吾觀晉公子

之從者皆足以相國若以相夫子必反其國子夫

謂重耳

及其國必得志於諸侯得志於諸侯而誅

無禮曹其首也子盍蚤自貳焉

自貳於曹

乃饋盤飧

寘璧焉

臣無外交故藏璧殽中不欲令人見

公子受殽反璧及宋

宋襄公贈之以馬二十乘及鄭鄭文公亦不禮

焉叔詹諫曰臣聞天之所啓人弗及也晉公子

有三焉天其或者將建諸君其禮焉男女同姓

其生不蕃晉公子姬出也而至于今一也

狐姬之子

故曰

離外之患

出奔在外

而天不靖晉國殆將啓之

二也有三士足以上人而從之三也

國語狐偃趙衰賈佗

三人皆卿才

晉鄭同儕

儕等也

其過子弟固將禮焉况

天之所啓乎弗聽及楚楚子饗之曰公子若反

晉國則何以報不穀對曰子女玉帛則君有之

羽毛齒革則君地生焉其波及晉國者君之餘

也其何以報君曰雖然何以報我對曰若以君

之靈得反晉國晉楚治兵遇於中原其辟君三

舍

三十里

若不獲命

三退不得

其左執鞭弭右

屬橐鞬以與君周旋

弭弓末無緣者橐音臬箭器鞬音健弓衣屬著也

子玉請殺之楚子曰晉公子廣而儉文而有禮

其從者肅而寬忠而能力晉侯無親外內惡之

晉侯惠公

吾聞姬姓唐叔之後其後衰者也其將由

晉公子乎天將興之誰能廢之違天必有大咎

乃送諸秦秦伯納女五人懷嬴與焉奉匜沃盥

既而揮之

匜盛水器沃澆水也以濕手揮之

怒曰秦

晉匹也何以卑我公子懼降服而囚

去上服自拘囚以謝

他日公享之子犯曰吾不如衰之文也請使衰

從公子賦河水

逸詩義取于海

公賦六月趙衰曰

重耳拜賜公子降拜稽首公降一級而辭焉

階下

一級一衰曰君稱所以佐天子者命重耳重耳敢不

拜

六月次章言佐天子故衰言如此

二十四年春王正月秦伯

納之不書不告入也

納重耳也

及河子犯以璧授公

子

授璧意欲為誓

曰臣負羈紲從君巡於天下

羈馬羈紲為羈

臣之罪甚多矣臣猶知之而况君乎請由此亡

公子曰所不與舅氏同心者有如白水

子犯重耳舅也

投其璧于河

質信於河

濟河圍令狐入桑泉取白衰

二月甲午晉師軍于廬柳秦伯使公子繫如晉

師師退軍于郇

令狐桑泉白衰廬柳郇皆晉地

辛丑狐偃及秦

晉之大夫盟于郇壬寅公子入于晉師丙午入

于曲沃丁未朝于武宮

文公祖武公廟

戊申使殺懷公

于高粱不書亦不告也呂卻畏偪

呂甥卻芮將惠公舊臣

將

焚公宮而弑晉侯寺人披請見公使讓之且辭

焉曰蒲城之役君命一宿女即至

即日

其後余

從狄君以田渭濱

獵田

女為惠公來求殺余命女

三宿女中宿至雖有君命何其速也夫祛猶在

披所斬文公衣袂也

女其行乎對曰臣謂君之入也其知

之矣

之知君人之道

若猶未也又將及難君命無二古

之制也除君之惡唯力是視蒲人狄人余何有

焉

當二君世君為蒲狄之人

今君即位其無蒲狄乎齊桓公

置射鉤而使管仲相

乾時之役管仲射桓公中帶鉤

君若易之

何辱命焉

言若反齊桓已將自去不須辱君命

行者甚衆豈唯刑

臣

披奄人故稱刑臣

公見之以難告

告呂卻欲焚公宮

三月晉

侯潛會秦伯于王城己丑晦公宮火瑕甥卻芮

不獲公乃如河上秦伯誘而殺之晉侯逆夫人

嬴氏以歸

秦穆公女文嬴

秦伯送衛於晉三千人實紀

綱之僕

言其可任

初晉侯之豎頭須守藏者也

頭須一日

里鳧須豎左右小吏

其出也竊藏以逃

文公出時

盡用以求納

之

求納文公

及入求見公辭焉以沐謂僕人曰沐則

心覆心覆則圖反宜吾不得見也

沐則低頭故心覆心覆則

所圖亦反居者為社稷之守行者為羈紲之僕其亦

可也何必罪居者國君而讎匹夫懼者甚衆矣

僕人以告公遽見之狄人歸季隗于晉而請其

二子

二子伯僚叔劉請其進退之命

文公妻趙衰

文公以女妻趙衰

生

原同屏括樓嬰

原屏樓三子之邑

趙姬請逆盾與其母

趙姬文公女也

子餘驛

子餘趙衰字

姬曰得寵而忘舊何以

使人必逆之固請許之來以盾為才固請于公

以為嫡子而使其三子下之以叔隗為內子而

已下之

卿之嫡妻為內子

晉侯賞從亡者介之推不言

祿祿亦不及

介推文公微臣之語助

推曰獻公之子九人

唯君在矣惠懷無親外內棄之天未絕晉必將
有主主晉祀者非君而誰天實置之而二三子
以為已力不亦誣乎竊人之財猶謂之盜况貪
天之功以為已力乎下義其罪以罪反上賞其
姦上下相蒙蒙欺也難與處矣其母曰盍亦求之
以死誰懟不求而死將以誰怨對曰尤而効之罪又甚焉
且出怨言不食其食其母曰亦使知之若何欲言
公文對曰言身之文也身將隱焉用文之是求
顯也其母曰能如是乎與女偕隱遂隱而死晉
侯求之不獲以縣上為之田曰以志吾過且旌

善人旌表也綿

為介推私田
供其祭祀地名以

二十有五年春王正月丙午衛

侯燬滅邢衛人將伐邢禮至曰不得其守

請昆弟仕焉乃往得仕二十五年春衛人伐邢

二禮從國子巡城二禮禮至兄弟掖以赴外殺之正月

丙午衛侯燬滅邢同姓也故名禮至為銘

曰余掖殺國子莫余敢止惡其滅同姓夏

四月

秦伯師于河上將納王狐偃言於晉侯

曰求諸侯莫如勤王勤納王也諸侯信之且

大義也繼文之業而信宣於諸侯今為可矣晉文

侯仇為平王侯伯使卜偃卜之曰吉遇黃帝戰于阪泉

之兆黃帝與神農之後姜氏戰于阪泉之野勝之公曰吾不堪也對

曰周禮未改今之王古之帝也言周王自當公

曰筮之筮之遇大有乾下之睽離上

曰吉遇公用享于天子之卦大有九三爻辭三

而為兌兌為說戰克而王饗吉孰大焉且是卦

也天為澤以當日天子降心以逆公不亦可乎

乾為天兌為澤乾變為兌而上當離離為大有

去睽而復亦其所也

言去睽卦還論大有乾尊離卑降尊下卑亦其義也

晉侯辭秦師而下

順流故

三月甲辰次于陽樊

陽樊周地

右師圍溫

在大叔溫

左師逆王夏四月丁巳王

入于王城取大叔于溫殺之于隰城戊午晉侯

朝王王饗醴命之宥

以幣帛

請隧弗許

闕地通路曰隧

王之葬禮

曰王章也未有代德而有二王亦叔父之

所惡也與之陽樊溫原櫝茅之田晉於是始啓

南陽

在晉山南河

陽樊不服圍之倉葛呼曰

倉葛

陽樊入

德以柔中國刑以威四夷宜吾不敢服也

此誰非王之親姻其俘之也

言不可乃出其民取其已

癸酉衛侯

燬卒○宋蕩伯姬來逆婦

伯姬魯女宋大

越竟迎婦非禮故書

宋殺其大夫

其事未聞

秋楚人圍

陳納頓子于頓

頓迫於陳而奔楚故楚圍陳

秋秦晉

禦寇以申息之師成商密

闕克申公子儀屈禦寇息公子邊商密都

別邑秦人過析隈入而係輿人以圖商密昏而傳

焉

析楚邑隈隱蔽之處係縛輿入詐為析俘昏而傳城

宵坎血加書偽與

子儀子邊盟者商密人懼曰秦取析矣成人反

矣乃降秦師秦師囚申公子儀息公子邊以歸

楚令尹子玉追秦師弗

及遂圍陳納頓子于頓

葬衛文公○冬

晉侯圍原命三日之糧原不降命去之謀出

謀間

也曰原將降矣軍吏曰請待之公曰信國之寶

也民之所庇也得原失信何以庇之所亡滋多

退一舍而原降遷原伯貫于冀

伯貫周守原大夫也

趙衰

為原大夫狐溱為溫大夫

狐溱之子

晉侯問原守

卷二

卷二

於寺人勃鞞勃鞞拔也對曰昔趙衰以壺飧從

徑餒而弗食言其廩且仁不忘故使處原

有二月癸亥公會衛子莒慶盟

于洮洮魯地衛成公稱月盟于洮脩衛文公之好且及莒平也

莒以元年鄆之役

怨魯衛文公將平

之未及而卒成

二十有六年春王正月己未公

會莒子衛甯速盟于向

○速公作邀
向莒地
二十六年

春王正月公會莒茲平公

茲平時君
之莒夷

無謚以
弼為稱

甯莊子盟于向尋洮之盟也

齊人

侵我西鄙公追齊師至鄆弗及

鄆公作嵩穀作嵩弗
公穀作不○鄆齊地齊師

侵我西鄙討是二盟也

夏齊人伐我

北鄙

齊侯爭盟侵
伐故人之

夏齊孝公伐我北鄙衛人
伐齊洮之盟故也公使展喜犒師勞齊師

使受命于展禽

柳下惠

齊侯未入竟展喜從之

從往

齊侯

曰寡君聞君親舉王趾將辱於敝邑使下臣

犒執事齊侯曰魯人恐乎對曰小人恐矣君子

則否齊侯曰室如縣罄野無青草何恃而不恐

罄國語作磬

虛但有樣梁如懸磬也

對曰恃先王之命昔周

公大股肱周室夾輔成王成王勞之而賜之

盟曰世世子孫無相害也載在盟府

載載書也

大師

職之

周大師主司盟之官

桓公是以糾合諸侯而謀其不

協彌縫其闕而匡救其災昭舊職也及君即位

諸侯之望曰其率桓之功也

率循

我敝邑用不敢

保聚用此舊盟故曰豈其嗣世九年而棄命廢

職其若先君何君必不然恃此以不恐齊侯乃

還

衛人伐齊○公子遂如楚乞

師

志中國之屬於夷狄也書乞師始此東門襄仲臧文仲如楚乞師東門故遂魯卿居臧孫見子玉而道之

伐齊宋以其不

臣也

言其不臣也

秋楚人滅夔以夔子

歸

夔公作隗國○夔子不祀祝融與鬻熊祝融高辛氏火正楚之遠祖鬻熊祝融楚人讓之對

曰我先王熊摯有疾

熊摯即楚熊渠之中子紅立為鄂王者也

鬼神

弗赦而自竄于夔

熊摯楚嫡子有疾不得嗣位故別封為夔子

吾是

以失楚又何祀焉秋楚成得臣

鬬宜申帥師滅夔以夔子歸

冬楚人伐

宋圍緡

宋以其善於晉侯也

重耳之出宋襄公贈馬二

子西帥師伐宋

圖緡

子西闕宜申也

公以楚師伐齊取穀

公以楚師伐齊取穀凡師能左右之曰以

左右謂進

退在

實桓公子雍於穀易牙奉之以為魯援楚

申公叔侯成之桓公之子七
人為七大夫於楚

言孝公不能撫公族

公至自伐

齊

二十有七年春杞子來朝

二十七年春杞

桓公來朝用夷禮故曰

子公卑杞杞不共也

夏六月庚寅齊

侯昭卒

夏齊孝公卒有齊怨

前年齊再

秋八

伐魯不廢喪紀禮也

吊贈之數不廢

月乙未葬齊孝公○乙巳公子

遂帥師入杞

秋入杞責禮也本或作責無禮

冬楚人

陳侯蔡侯鄭伯許男圍宋

楚子稱人貶其合諸侯圍宋也

楚子將圍宋使子文治兵於睢

睢楚邑

終朝而畢

不戮一人

王欲委重於子王故略其事

子王復治兵於蔿

蔿楚邑

終日而畢鞭七人貫三人耳

以矢穿其耳

國老皆賀

子文子文飲之酒

國老卿大夫致仕者賀其所舉得人

蔿賈尚幼

後至不賀

薦賈孫叔敖之父

子文問之對曰不知所賀

子之傳政於子玉曰以靖國也靖諸內而敗諸

外所獲幾何子玉之敗子之舉也舉以敗國將

何賀焉子玉剛而無禮不可以治民過三百乘

其不能以入矣苟入而賀何後之有

三百乘二萬二千五

百人言過此必不能入前敵矣

冬楚子及諸侯圍宋宋公孫固

如晉告急

固莊公孫

先軫曰報施救患取威定霸於

是乎在矣

先軫報宋贈馬之施

孤偃曰楚始得曹

而新昏於衛

曹共公

若伐曹衛楚必救之則齊

宋免矣

前年楚成穀以偏齊

於是乎蒐于被廬

被廬晉地

作三

軍

閔元年獻
公作二軍

謀元帥

中軍帥

趙衰曰卻縠可臣亟

聞其言矣說禮樂而敦詩書詩書義之府也禮

樂德之則也德義利之本也夏書曰賦納以言

明試以功車服以庸

今虞書益
猶取也庸功也

君其試之

乃使卻縠將中軍卻縠佐之使狐偃將上軍讓

於狐毛而佐之命趙衰為卿讓於欒枝先軫

欒枝

欒寅之孫

使欒枝將下軍先軫佐之荀林父御戎

為文

魏犢為右晉侯始入而教其民二年欲用之

子犯曰民未知義未安其居於是乎出定襄王

以示事入務利民民懷生矣將用之子犯曰民

君之義

未知信未宣其用

宣明也

於是乎伐原以示之信

民易資者不求豐焉明徵其辭

不詐以求多契卷要約皆分明

公曰可矣乎子犯曰民未知禮未生其共

恭同

於是乎大蒐以示之禮作執秩以正其官

執秩主爵

科之

民聽不惑而後用之出穀

成釋宋圍一戰而霸文之教也

十有二月

甲戌公會諸侯盟于宋

公與楚有好事故之往會

二十有八年春晉侯侵曹晉侯

伐衛

再舉晉侯者
曹衛兩來告

二十八年春晉侯將伐曹

假道于衛衛人弗許還自南河濟侵曹

伐衛正月戊申取五鹿二月晉卻縠率原軫將

中軍胥臣佐下軍上德也

上尊上也

晉侯齊侯盟

于斂孟

斂孟
衛地

衛侯請盟晉人弗許衛侯欲與楚

國人不欲故出其君以說于晉衛侯出居于襄

牛

襄牛

地

公子買戍衛不卒戍刺之

楚人救衛

公子買魯大夫皆書刺

公子買魯大夫皆書刺

公子買戍
楚人救衛不克公

懼於晉殺子叢以說焉謂楚人不

卒戌也

殺子叢在楚救衛赴晚至

三月丙

午晉侯入曹執曹伯畀宋人

侯晉

圖曹

句

門焉多死

攻曹城門

曹人尸諸城上晉侯患

之聽輿人之謀曰稱舍於墓

揚言舍墓將戮冢

師遷焉

曹人兇懼

兇恐懼聲

為其所得者棺而出之因其兇

也而攻之三月丙午入曹數之以其不用僖負

羈而乘軒者三百人也且曰獻狀

無德居位故責其功狀

令無入僖負羈之宮而免其族報施也魏犢顛

頡怒曰勞之不圖報於何有

二子各有從亡之勞

藝僖負

羈氏魏犇傷於胷公欲殺之而愛其材使問且

視之病將殺之魏犇束胷見使者曰以君之靈

不有寧也

不以病故自安

距躍三百曲踊三百

距躍直跳曲踊

橫跳也百猶阡陌蓋躍踰之度大約有此

乃舍之殺顛頡以徇

于師立舟之僑以為戎右宋人使門尹般如晉

師告急

門尹般宋大夫

公曰宋人告急舍之則絕

與晉絕

告楚不許

告楚釋宋

我欲戰矣齊秦未可若之何先

軫曰使宋舍我而賂齊秦藉之告楚

借齊秦為宋請

我

執曹君而分曹衛之田以賜宋人楚愛曹衛必

不許也喜賂怒頑能無戰乎

言齊秦喜宋賂而怒

夏四

楚頑公說執曹伯分曹衛之田以畀宋人

月己巳晉侯齊師宋師秦師及

楚人戰于城濮楚師敗績

楚子入居于申

使申叔去穀使子玉去宋曰無從晉師晉侯在

外十九年矣而果得晉國險阻艱難備嘗之矣

民之情偽盡知之矣天假之年而除其害

除患懷呂

卻天之所置其可廢乎軍志曰允當則歸

軍志兵書

又曰知難而退又曰有德不可敵此三志者晉

之謂矣子玉使伯棼請戰

伯棼子越椒也

曰非

敢必有功也願以間執讒慝之口

間執猶塞也讒慝若薦賈

言之王怒少與之師唯西廣東宮與若敖之六卒

實從之

楚有左右廣又大子有宮甲若敖子王之祖六卒子玉宗人之兵六百人

王使宛春告於晉師

宛春楚大夫

曰請復衛侯而封

曹臣亦釋宋之圍子犯曰子玉無禮哉君取一

臣取二

一謂釋宋圍二謂復曹衛

不可失矣先軫曰子與之

也與許

定人之謂禮楚一言而定三國我一言而

亡之我則無禮何以戰乎不許楚言是棄宋也

救而棄之謂諸侯何楚有三施我有三怨怨讎
已多將何以戰不如私許復曹衛以攜之執宛
春以怒楚既戰而後圖之公說乃拘宛春於衛
且私許復曹衛曹衛告絕於楚子玉怒從晉師
晉師退軍吏曰以君辟臣辱也且楚師老矣何
故退子犯曰師直為壯曲為老豈在久乎微楚
之惠不及此退三舍辟之所以報也背惠食言
以亢其讎亢猶當也我曲楚直其衆素飽氣壯飽不可
謂老我退而楚還我將何求若其不還君退臣
犯曲在彼矣退三舍楚衆欲止子玉不可夏四

月戊辰晉侯宋公齊國歸父崔夭秦小子憖次

于城濮

國歸父崔夭齊大夫

楚師背鄆而舍

鄆丘

陵險阻名

晉侯患之聽輿人之誦曰原田每每舍其

舊而新是謀

喻晉軍美盛若田草每每可以立新功不足念舊惠

公疑焉

子犯曰戰也戰而捷必得諸侯若其不捷表裏

山河必無害也

晉國外山河內山

公曰若楚惠何欒貞子

貞子欒枝

曰漢陽諸姬

姬姓之國在漢北者

楚實盡之思小惠

而忘大恥不如戰也晉侯夢與楚子搏

搏手

楚

子伏已而監其腦

監也

是以懼子犯曰吉我得

天楚伏其罪吾且柔之矣

晉侯上下向故得天楚子下向故伏罪腦所

物以柔子王使鬪勃請戰鬪勃楚大夫曰請與君之士

戲君馮軾而觀之得臣與寓目焉晉侯使欒枝

對曰寡君聞命矣楚君之惠未之敢忘是以在

此為大夫退其敢當君乎既不獲命矣敢煩大

夫謂二三子戒爾車乘敬爾君事詰朝將見詰朝

平明晉車七百乘韞鞬鞞韞在後曰鞞韞在腹曰鞞百七人駕具在背曰韞

在晉侯登有莘之虛以觀師曰少

長有禮其可用也有莘故國名遂伐其木以益其兵

以益攻已巳晉師陳于莘北莘北即城濮晉臣以下

戰之具已巳晉師陳于莘北莘北即城濮晉臣以下

軍之佐當陳蔡子玉以若敖之六卒將中軍曰

今日必無晉矣子西將左子上將右子胥臣

蒙馬以虎皮先犯陳蔡陳蔡奔楚右師潰陳蔡屬楚

右師狐毛設二旆而退之欒枝使輿曳柴而偽遁

使衆曳柴起塵楚師馳之原軫卻縠以中軍公族橫擊

之公族公所狐毛狐偃以上軍夾攻子西楚左

師潰楚師敗績子玉收其卒而止故不敗唯中軍完

晉師三日館穀館舍也食楚軍穀三日及癸酉而還甲午

至于衡雍作王宮于踐土衡雍踐土皆鄭地襄王自往勞晉故為作

官鄉役之三月鄉猶屬也城濮役之前三月鄭伯如楚致其

師為楚師既敗而懼使子人九行成于晉子人氏九

名晉欒枝入盟鄭伯五月丙午晉侯及鄭伯盟

于衡雍丁未獻楚俘于王駟介百乘徒兵千駟介

四馬鄭伯傳王用平禮也傳相也用平王享已

晉王享醴命晉侯宥助以王命尹氏及王子虎

內史叔與父策命晉侯為侯伯周禮九命作伯尹氏王子虎皆

王卿士叔與賜之大輅之服戎輅之服大輅金輅服驚

冕式輅戎彤弓一彤矢百茲弓矢千彤赤色茲音盧黑色

諸侯賜弓矢秬鬯一卣秬黑黍鬯香酒卣器名虎賁三百

人虎賁王曰王謂叔父敬服王命以綏四國糾

逖王有惡於王者晉侯三辭從命曰重耳敢

再拜稽首奉揚天子之不顯休命受

策以出出入三覲

出入猶去來從來至去凡三見王

楚殺

其大夫得臣

楚始書初楚子玉自為瓊弁玉纓未之服也
弁用鹿子皮瓊

義王次之以飾弁及纓

先戰夢河神謂已曰界余余賜女

孟諸之麋

孟諸宋藪澤水草之交曰麋

弗致也大心與子西

使榮黃諫

大心子王之子子西子王之族榮黃榮季使以弁纓禱于河神

弗聽

榮季曰死而利國猶或為之况瓊玉乎是糞土

也而可以濟師將何愛焉弗聽出告二子曰非

神敗令尹令尹其不勤民實自敗也既敗王使

謂之曰大夫若入其若申息之老何申息二邑子弟皆從

子王而死何子西孫伯曰得臣將死二臣止之以見其父老

曰君其將以為戮孫伯即大心答言二臣及連

穀而死連穀楚地王無赦命故自殺晉侯聞之而後喜可知

也喜見類色曰莫余毒也已毒害也薦呂

臣實為令尹奉已而已不在民矣衛侯出

奔楚衛侯聞楚師敗懼出奔楚遂適陳自襄牛出

使元咺奉叔武以受盟叔武成公弟元咺衛大夫奉使

攝君之事五月癸丑公會晉侯齊侯宋

公蔡侯鄭伯衛子莒子盟于踐

土

王子虎臨盟不同款故不書衛叔武從未成君之禮故稱子癸亥王子虎盟諸侯于王庭

踐土宮之庭也經書癸丑月十八日傳書癸亥

月二十八日要言曰皆獎王室無相害也有渝

此盟明神殛之俾隊其師無克祚國

獎助也及隊隕也

而玄孫無有老幼君子謂是盟

也信謂晉於是役也能以德攻陳侯如會

楚敗陳懼而屬晉不

及盟故曰如會

公朝于王所

非京師故曰王所書朝

六月

王始此

衛侯鄭自楚復歸于衛衛元咺

出奔晉

衛侯殺弟故名之元咺訟君亦著其罪

或訴元咺於

衛侯曰立叔武矣其子角從公公

使殺之

角元咺子

咺不廢命奉夷叔以入守

夷叔即叔武

六月晉人復衛侯甯武子與衛人盟于宛濮

武子

甯俞宛地名近濮水

曰天禍衛國君臣不協以及此憂也

今天誘其衷使皆降心以相從也不有居者誰

守社稷不有行者誰扞牧圉

牛曰牧馬曰圉

不協之故

用昭乞盟于爾大神以誘天衷自今日以往既

盟之後行者無保其力其無恃居者無懼其罪有

渝此盟以相及也相以惡及明神先君是糾是殛國

人聞此盟也而後不貳衛侯先期入不信甯子

先長牂守門以為使也與之乘而入長牂衛公

子欵大華仲前驅二子衛大夫叔武將沐聞君至喜

捉髮走出前驅射而殺之公知其無罪也枕之

股而哭之枕以尸股欵犬走出

公使殺之元咺出奔晉

陳侯款卒○

城濮之戰晉中軍風于澤走牛馬因風而亡

秋

大旆之左旃大旆旗名繫旒通帛曰旃邾瞞奸命二事

不脩為司馬殺之以徇于諸侯使茅筏代之音筏

師還壬午濟河舟之僑先歸士會攝右士會薦

之秋七月丙申振旅愷以入于晉愷樂也獻俘授

馘飲至大賞授數也徵會討貳徵召諸侯為會殺舟之僑

以徇于國討棄軍之罪民於是大服君子謂文公其

能刑矣三罪而民服三罪顛頑邪詩云惠此中

國以綏四方不杞伯姬來寧來公子遂

失賞刑之謂也風成

如齊也聘冬公會晉侯齊侯宋公

蔡侯鄭伯陳子莒子邾子秦人

于溫

晉侯下穀無齊侯○陳共公
稱子先君未葬也○會諸侯
此始冬會于溫討不服也
許討衛

天王

狩于河陽壬申公朝于王所

狩穀作守

下于穀作於○河陽晉地是會也晉侯召王以
壬申十月十日有日無月

諸侯見且使王狩

狩巡守也

仲尼曰以臣召君不可

以訓故書曰天王狩于河陽言非其地也且明

德也

杜氏謂欲明晉功德趙匡曰謂此為德過
矣趙訪曰左氏所記乃流俗傳聞之辭

壬申公朝

于王所

晉人執衛侯歸之于京

師衛元咺自晉復歸于衛

晉助臣執君故稱人以賤自晉

者譏晉有力也衛侯與元咺訟

爭殺叔武事甯武子為輔鉞

莊子為坐士榮為大士

大士治獄官臣不宜與君對坐故使鉞莊子為

主武子士榮質正之衛侯不勝

三子辭屈殺士榮則鉞莊子謂

甯俞忠而免之執衛侯歸之于京師寘諸深室

別為囚室甯子職納橐籥焉

職主也橐籥衣囊也

也元咺歸于衛立公子瑕

瑕衛公適也

諸侯遂

圍許

丁丑諸侯圍許

會溫諸侯也許

再會不至故伐之丁丑十月十五日有日無月

曹伯襄復

歸于曹遂會諸侯圍許

晉侯有疾曹伯之豎

侯孺貨筮史

豎小臣侯孺姓名納賂於晉掌筮之官

使曰以曹為

解

使以滅曹為解

齊桓公為會而封異姓

封邢衛

今君為

會而滅同姓曹叔振鐸文之昭也

振鐸曹始封君文王之子

先君唐叔武之穆也且合諸侯而滅兄弟非禮

也與衛偕命

私許復曹衛

而不與偕復非信也同罪

異罰非刑也禮以行義信以守禮刑以正邪舍

此三者君將若之何公說

○晉侯作三行以

復曹伯遂會諸侯于許

○禦狄荀林父將

中行屠擊將右行先蔑將左

行晉置三軍今復增置三行以辟天子六軍之名

二十有九年春介葛盧來

介東夷國葛盧介君名不稱朝

公在會也二十九年春介葛盧來朝舍于昌

行之上昌衍地名公在會饋之芻米禮也

公至

自圍許○夏六月會王人晉人

宋人齊人陳人蔡人秦人盟于

翟泉

會上公穀有公字翟公作狄○翟泉周地夏公會王子虎晉孤偃宋公孫固齊國歸父陳轅濤塗秦

小子慙盟于翟泉尋踐土之盟且謀伐鄭也

蔡人

無名卿不書罪之也

王子虎下盟列國諸侯大夫上敵王入公侯故諱公

而人諸侯王子在禮卿不

會公侯會伯子男可也

秋大雨雹

秋大

雨雹為灾也

周之秋今之五六七月

冬介葛盧來

冬介葛盧來以未見

公故復來朝禮之加燕好燕燕禮也好好貨也
介葛盧聞牛鳴曰是生三犧皆用之矣其音云
問之
而信

三十年春王正月○夏狄侵齊

三十年春晉人侵鄭以觀其可攻與否
秋衛與齊晉

殺其大夫元咺及公子瑕衛侯

鄭歸于衛

瑕元咺所假立故以殺晉侯使大夫之辭言之而書及甯俞貨醫使

薄其酖不死公為之請納玉於王與晉侯皆十

穀王許之秋乃釋衛侯衛侯使賂周欵治厘曰

苟能納我吾使爾為卿周治殺元咺及子適子

儀子適即瑕子公入祀先君周治既服將命服

廟受命入周欵先入及門遇

疾而死治厘辭卿死見周欵懼

晉人秦人圍

鄭

秦晉結讐始九月甲午晉侯秦伯圍鄭以此書入貶之其無禮於晉文公亡過且貳於楚也晉軍

函陵秦軍汜南函陵汜南鄭地佚之狐言於鄭伯曰國

危矣若使燭之武見秦君師必退佚之狐燭之武皆鄭大夫

公從之辭曰臣之壯也猶不如人今老矣無能

為也已公曰吾不能早用子今急而求子是寡

人之過也然鄭亡子亦有不利用焉許之夜縋而

出縋音墜縣城而下也見秦伯曰秦晉圍鄭鄭既知亡矣

若亡鄭而有益於君敢以煩執事越國以鄙遠

君知其難也設得鄭為邊邑焉用亡鄭以陪鄰

陪益也鄰之厚君之薄也若舍鄭以為東道主行

李之往來共其乏困行李使人君亦無所害且君嘗

為晉君賜矣許君焦瑕朝濟而夕設版焉君之

所知也

晉君謂惠公焦瑕晉河外五城之二邑

夫晉何厭之有既

東封鄭又欲肆其西封

肆封疆也

若不闕秦將焉

取之

闕猶削也

闕秦以利晉唯君圖之秦伯說與鄭

人盟使杞子逢孫楊孫戍之乃還

三子秦大夫反為鄭守

子犯請擊之

請擊秦也

公曰不可微夫人之力不及

此因人之力而敝之不仁失其所與不知以亂

易整不武吾其還也亦去之初鄭公子蘭出奔

晉

蘭鄭穆公

從於晉侯伐鄭請無與圖鄭許之使待

命于東

晉東界

鄭石甲父侯宣多逆以為大子以

求成于晉

晉人許之

介人侵蕭○冬天王使

宰周公來聘

周公天子三公兼冢宰也冬王使周公

鹽

歠音罰昌歠音蒲蘊白熬稻黑熬黍形鹽鹽鹽形象虎

辭曰國君文足昭

也武可畏也則有備物之饗以象其德薦五味

羞嘉穀鹽虎形以獻其功

嘉穀以象文吾何以堪之

公子遂如京

師遂如晉

如京師報宰周公此魯聘周聘晉之始東門襄仲將聘于周遂初聘于晉

三十有一年春取濟西田

三十一
年春取

濟西田分曹地也

晉分其地

使臧文仲往宿於重館

重館地名

重館人告曰晉新得諸侯必親其共

暱其恭順

不速行將無及也從之分曹地

自洸以南東傳于濟盡曹地也

公子遂如

晉

襄仲如晉拜曹田也

夏四月四卜郊不從

乃免牲猶三望

不從不吉也魯郊僭也四卜三望皆非禮故譏之三望分野之
星國中山川
夏四月

四卜郊不從乃免牲非禮也猶三望亦非禮也

禮不卜常祀而卜其牲日卜牲與日牛卜日曰牲既得

吉日則牛牲成而卜郊上怠慢也既卜牲日復卜

故名曰牲望郊之細也不郊亦無望可也秋

故曰怠慢秋晉蒐于清原作五軍以禦狄晉

七月三行更為上下新趙衰為卿為新

冬杞伯姬來求婦自為狄圍衛

十有二月衛遷于帝丘于穀作於

也辟狄難

顓頊之虛

冬狄圍衛衛遷于帝丘卜曰三百年衛成公夢

康叔曰相奪予享相夏后啓之孫享祭也公命祀相甯武

子不可曰鬼神非其族類不歆其祀祀鄫何事

祀鄫夏後自當祀相相之不享於此久矣非衛之罪也不

可以間成王周公之命鄭洩駕惡公子瑕

祀諸侯受命各有常祀請改祀命鄭伯亦惡之故公

子瑕出奔楚瑕文公子洩駕亦鄭

大天隱五年洩駕距此九十年疑非一人

三十有二年春王正月○三十二
年春楚

鬬章請平于晉晉陽處父

報之晉楚始通陽處父

夏四月己丑

鄭伯捷卒

捷公作接

衛人侵狄秋衛人

及狄盟

夏狄有亂衛人侵狄狄請平

冬

十有二月己卯晉侯重耳卒

冬晉

文公卒庚辰將殯于曲沃

曲沃有舊宮

出絳柩有聲

如牛

如牛聲

卜偃使大夫拜曰君命大事將有西

師過軼我

句

擊之必大

捷焉

卜偃聞秦密謀故因柝聲以正衆心

三十有三年春王二月秦人入

滑

杞子自鄭使告于秦

三子十年秦使杞子戍鄭

曰鄭人

使我掌其北門之管

管也

若潛師以來國

可得也

穆公訪諸蹇叔

蹇叔曰勞師以襲遠非

所聞也

遠主謂鄭無乃

不可乎師知所為鄭必知之

秦師既知其勤而

無所必有恃心

秦兵勞而無得必生恃心

且行千里其誰不

知公辭焉召孟明西乞白乙百里孟明視西使

出師於東門之外蹇叔哭之曰孟子吾見師之

出而不見其入也公使謂之曰爾何知中壽爾

墓之木拱矣上壽百二十中壽百下壽八十合

謂其老悖不可用蹇叔之子與師哭而送之曰晉人禦

師必於殽殽晉地殽有二陵焉大阜曰陵其南陵夏后

臯之墓也臯梁之祖其北陵文王之所辟風雨也必

死是間以深險故余收爾骨焉秦師遂東三十三年

春秦師過周北門左右免胄而下王城北門兵

者在中故左超乘者三百乘王孫滿尚幼周之

右在下御不下

名觀之言於王曰秦師輕而無禮必敗謂過天

卷甲東兵超乘示勇輕則寡謀無禮則脫脫易入險而脫

又不能謀能無敗乎及滑鄭商人弦高將市於

周遇之以乘韋先牛十二犒師弦姓高名遺人

故先以四韋曰寡君聞吾子將步師出於敝邑

敢犒從者行也猶不腆敝邑為從者之淹居則具

一日之積積音恣芻行則備一夕之衛且使遽

告于鄭遽傳鄭穆公使視客館視秦三大則東

載厲兵秣馬矣載東矢使皇武子辭焉曰吾子淹

久於敝邑唯是脯資餼牽竭矣資糧也牽為吾

子之將行也鄭之有原圃猶秦之有具圃也

原圃

具圃皆名

吾子取其麋鹿以間敝邑若何

間音開使自取

麋鹿為行資令

杞子奔齊逢孫楊孫奔宋孟明

曰鄭有備矣不可冀也攻之不克圍之不繼吾

其還也滅

滑而還

齊侯使國歸父來聘

齊國

莊子來聘自郊勞至于贈賄禮成而加之以敏

迎來曰郊勞送去曰贈賄

藏文仲言於公曰國子為政齊猶

有禮君其朝焉臣聞之

服於有禮社稷之衛也

夏四月辛巳晉

人及姜我敗秦師于殽癸巳葬

晉文公

秦下公無師字○晉侯諱背喪用兵故通以賤者言姜戎姜姓之戎

居晉南鄙戎子駒支之先

晉原軫曰秦違蹇叔

而以貪勤民天奉我也奉不可失敵不可縱縱

敵患生違天不祥必伐秦師藥枝曰未報秦施

而伐其師其為死君乎

言以君死故忘秦施

先軫曰秦不

哀吾喪而伐吾同姓秦則無禮何施之為吾聞

之一日縱敵數世之患也謀及子孫可謂死君

乎遂發命遽興姜戎

以傳車起姜戎之兵

子墨衰經

晉文公未

葬故襄公稱子以梁弘御戎萊駒為右夏四月

辛巳敗秦師于殽獲百里孟明視西乞術白乙

丙以歸遂墨以葬文公晉於是始墨記禮所由變文

嬴請三帥文嬴襄公嫡母曰彼實構吾二君寡君若得

而食之不厭君何辱討焉使歸就戮于秦以逞

寡君之志若何公許之先軫朝問秦囚公曰夫

人請之吾舍之矣先軫怒曰武夫力而拘諸原

婦人暫而免諸國力力戰暫言墮軍實而長寇讎亡

無日矣墮音隋也不顧而唾公使陽處父追之及

諸河則在舟中矣釋左驂以公命贈孟明欲使還拜

謝之孟明稽首曰君之惠不以累臣繫也釁鼓

以血塗鼓使歸就戮于秦寡君之以為戮死且

不朽若從君惠而免之三年將拜君賜意欲報

秦伯素服郊次鄉師而哭曰孤違蹇叔以辱二

三子孤之罪也不替孟明孤之過也替

也大夫何罪且吾不以一眚掩大德

狄侵

齊

狄侵齊因

公伐邾取訾婁秋公

訾婁公作叢公伐邾取

子遂帥師伐邾

訾婁以報升陘之役二在

十二年邾人不設備

秋襄仲復伐邾

晉人敗狄于箕

箕地

狄伐晉及箕八月戊子晉侯敗狄于箕卻缺獲

白狄子

白狄狄別種子爵也

先軫曰匹夫逞志於君

謂不顧而

唾而無討敢不自討乎免胄入狄師死焉狄人

歸其元

元首也

面如生初白季使過冀見冀缺耨

其妻饁之

冀晉邑也冀缺即卻缺耨鋤也野饋曰饁

敬相待如賓與

之歸言諸文公曰敬德之聚也能敬必有德德

以治民君請用之臣聞之出門如賓承事如祭

仁之則也公曰其父有罪可乎

缺父冀芮欲殺文公

對曰

舜之罪也強鯀其舉也與禹管敬仲桓之賊也

實相以濟

相桓公
濟伯業

康誥曰父不慈子不祗兄不

友弟不共不相及也詩曰采葑采菲無以下體

君取節焉可也

葑菲之菜上善下惡言可取其善節

文公以為下

軍大夫及自箕襄公以三命命先且居將中軍

且居先

軫之子以再命命先茅之縣賞胥臣曰舉卻缺

子之功也

先茅晉大夫絕後故取其縣賞之

以一命命卻缺為

卿復與之冀

還其父故邑

亦未有軍行

與登卿位未有軍列

冬十月公如齊

冬公如齊朝且

十有

吊有狄師也

二月公至自齊乙巳公薨于小

寢

反薨于小寢即安也
小寢夫人寢也譏公
就所安不終于路寢

隕霜不殺草

李梅實

隕公作
賈○書時
失也

晉人陳人鄭人

伐許

晉陳鄭伐許討其貳於楚也楚令尹子
上侵陳蔡陳蔡成遂伐鄭將納公子瑕

門于桔枋之門瑕覆于周氏之汪車覆外僕髡

屯禽之以獻鄭之外僕髡髮而文夫人鄭文公夫人

歛而葬之鄆城之下

鄆城故鄆國

晉陽處父侵蔡楚

子上救之與晉師夾泚而軍

泚音雉水名

陽子患之

使謂子上曰吾聞之文不犯順武不違敵子若

欲戰則吾退舍子濟而陳遲速唯命不然紓我

老師費財亦無益也乃駕以待子上欲涉大孫

伯曰不可

大孫伯即成大心

晉人無信半涉而薄我悔

敗何及不如紓之乃退舍

楚退欲使晉渡

陽子宣言曰

楚師遁矣遂歸楚師亦歸大子商臣譖子上曰

受晉賂而辟之楚之恥也罪莫

大焉王殺子上

商臣怨子上止王立已故譖之

春秋卷第六

春秋

卷六


僖公

三十八

春秋卷六

欽防之節城之下
子土救之與晉師夾潁而軍
侯謂子土曰吾聞之文不犯難武不違敵子
晉人無信平沙而將我
敗何及不如好之乃
楚師遁吳遂歸楚師亦歸
大子商在潁子土曰
受晉賂而辟之楚之
大馬王叔子土





卷之四

四